



Mackenzie Valley
Environmental Impact Review Board

NÀGWICHOONJIK GWINAGOO'EE EJÙK GÒONLII GWIZHIT

TR'IGWINÀH'IN EENJIT NIJÌLZHII KAT NITS'ÒO
NIKHWINAGÒO'EE EJÙK GÒONLII TR'IGWÀH'IN
GWI'DINEHTŁ'ÈÈ' GWAKAK TR'IGWINÀH'ÌNH'

NIJIN GWIDINITHITL'OO

SECTION 1: GWIYEECHIH NITR'IGWII'AI

1.1	GwiyeECHih nitr'igwinu'aih	1
1.2	Jii dinehtl'eh gwizhit dagwinuu	3
1.3	NagwichoONJik gwinagoo'ee guk'andehnahtu geenjit dagwidu'e'	3
1.4	Nan t'atr'ijahch'uu geenjit jilch'eu kat	4
1.5	Nan ts'at chuu t'atr'ijahch'uu geenjit jilch'eu kat	4
1.6	NagwichoONJik gwinagoo'ee nan, chuu hah eenjit nijilzhu kat	4
1.7	NagwichoONJik gwinagoo'ee ejuk gòonlu gwizhit tr'igwinah'in eenjit nijilzhu kat	5
1.8	Nan kak ejuk gòonlu gwizhit nagugwinaa'ik	5
1.9	Nikhwinagoo'ee ejuk goonlu tr'igwinah'in geenjit ginjih	7

SECTION 2: GWITR'IT GWICHIH TR'OOCIT GWIZHIT TR'IGWINÀH'IN

2.1	GwiyeECHih nitr'igwinu'ai	8
2.2	Gwitr'it gwahahtsaa gwichih kauk'it nigijaa	9
2.3	Gwitr'it geenjit dinehtl'eh gwits'an gahtsih	9
2.4	Gwitr'it geenjit dinehtl'eh jidu tthak gwizhit nlu geenjit tr'igwinà'inh'	10
2.5	Izhu geenjit jilch'eu, Gwizhit gugwinàh'in kat ts'at uu'ok t'anunch'uu kat eenjit gahgwiheedandau tr'igwàhtsih	10
2.6	Yaa'at ch'ii'an goonlu ts'at k'ii'it tr'igwahtsu geenjit tr'igwidintl'oo	10
2.7	Dagwiheenjaa gwinudhan geenjit gwizhit gugwinah'in	11
2.8	Gwitr'it gwichih tr'oocit gwizhit gugwinah'in t'ee dagwiheedyaa geenjit gugwidintl'oh	11
2.9	Ezhu ganunji'gadhat gwits'an gahtsih	11

SECTION 3: DIINAGOO'EE GWIZHIT TR'IGWINAH'IN

3.1	GwiyeECHih nitr'igwinu'ai	12
3.2	Gwizhit gugwinah'in eenjit jilch'eu kat guuveenjit dagwinuu	12
3.3	Izhuu kat nits'oo gwitr'it gugwahtsih	12
3.4	Nits'oo nikhwinagoo'ee gwizhit tr'igwahnah'aa geenjit gò'au	13
3.5	Nikhwinagoo'ee gwizhit tr'igwahnah'aa gitr'igwii'ai	14
3.6	Nikhwinagoo'ee geh'ok gwitr'it gugwahtsih	14
3.7	Gwitr'it geenjit dinehtl'eh uu'ok tthak tr'ahnah'aa geenjit gahtsih	15
	Nits'oo nikhwinagoo'ee tr'igwahnah'aa geenjit goo'au (diagram)	16
3.8	Gwitr'it gwahahtsaa gwizhit tr'igwinah'in	18
3.9	Jidu tthak gwizhit tr'igwinah'in	18
3.10	Gugwinu'ee gwinjik gwitr'it t'agwahah'aa gwi'dinehtl'ee' tr'ahtsu ts'at gwitr'it geenjit tr'ulee tr'igwahtsih	18
3.11	Gwitr'it t'agwah'in kat guudinehtl'ee tr'ulee gugwahtsih	19
3.12	Jidu tthak gwizhit goo'au geenjit gwizhit gugwinah'in	19
3.13	Jidu tthak gwizhit tr'igwinah'in	20
3.14	Dagwidu'in geenjit agoodahkat	20
3.15	Atr'oohadhahch'aa geenjit hnatr'aadal	21
3.16	Nikhwinagoo'ee gwizhit tr'igwinah'in geenjit tr'igghu ts'at tr'ulee gugwahtsih	22
3.17	Yeenji' chit kat dagwiheedy'a'aa gwinudhan	22
3.18	Nikhwinagoo'ee tr'igwinah'in ndoo nyaa'ai' tr'igwahtsih	23



SECTION 4: GWIINZII NIKHWINAGOO'EE NATR'IGWINAA'IN

4.1	Gwiyeechih nitr'igwinu'aii.....	23
4.2	Gwizhit tr'igwinah'in kat guuveenjii duyah gugwaandak	23
4.3	Nikhwinagoo'ee gwizhit tr'igwinah'in dai' dagwiheedya'aa	24
4.4	Gwiinzii nikhwinagoo'ee natr'igwinaa'in gitr'igwii'aii	24
4.5	Gwizhit gugwinah'in eenjit jilch'eii kat nits'oo gwitr'it gahahtsaa eenjit gwidinithit'oo.....	25
4.6	Gwizhit tr'igwinah'in, Gwiinudhan tthak gwizhit nilii kagugwinah'in, Duyah hnatr'aadal ts'at geenjit tr'igukhii.....	25
4.7	Nikhwinagoo'ee gwizhit tr'igwinah'in t'ee dagwiheedya'aa ginuh	26
4.8	Nihkhah gwizhit tr'igwahnah'aa geenjit gwizhit gugwinah'ih.....	26
4.9	Nihkhah gwizhit tr'igwahnah'aa geenjit gwitr'it gwaatsih	26

SECTION 5: NDOO NYAA'AI' TS'AT YEENDOO DAGWIHEEDYA'AA GEENJIT EJUK NATR'IGWAHTSIH

Ndoo nyaa'ai' ts'at yeendoo dagwiheedya'aa geenjit ejuk natr'igwahtsih	27
--	----

SECTION 6: DINEHTŁ'EH GWIZHIT JIDII NILII GEENJIT GWIDINITHITŁ'OO

Dineht'eh gwizhit jidii nilii geenjit gwidinithit'oo.....	27
---	----

Nits'oo jii dineht'eh t'atr'ahdahch'ah:

Jii gwizhit gwidinithit'oo t'at nikhwinagoo'ee gwizhit tr'igwinah'in geenjit duyah gugwaandak geenjit gwidinithit'oo ts'at duuyeh dagwidj'e' k'it t'atr'ahdahch'ah. Jii gwizhit dagwidii'ii geenjit gwizraih gwidinithit'oo ts'at Nikhwinan kak datthak guk'andehnahtii guudagwidj'e' k'it t'atr'ahdahch'ah kwàh. Nihkhah tr'igukhii ts'at nihk'it gwiinudhan kwaa dà' ai Nikhwinan kak datthak guk'andehnahtii guudagwidj'e' ts'at Nan eenjit sridagwiijnlik t'atr'ahdahch'ah.

SECTION 1:

GWYEECHIH NITR'IGWINII'AIH

1.1 Gwyeechih nitr'igwinii'aih


Nagwídadhat 1980 ndòo ts'at dínjii zhuh ts'at teenjir nilii guuveenjít nan sridagwíjúnlik geenjít gwitr'it t'igwah'in kat aii Srú Tsóo Káuk'it gwizhít chít ts'at yeenji' ts'an iisrit ts'at chít kat hah jii NWT gwizhít nits'oo nan ts'at chuu gwíndii gwitr'it gwaatsii geenjít guk'andehgahnahtyaa geenjít nihjaa giheedilyaa guunúdhan. Srú t'inyaanch'uu kat nihkhah gahdahch'ah ts'at Nagwíchoonjik gwinagoo'ee gwa'an gwitr'it gwaatsii guk'andehgahnahtyah. Nan eenjít srigwíunlik kat tthak ts'at Srú Tsóo Káuk'it gwizhít chít ts'at yeenji' ts'an iisrit ts'at chít kat juudin guk'andeh hanahtyaa eenjít hígwaanchii uuzrú guuheendaí.

Nagwídadhat 1990 danh' Teenjir Nilii ts'at Dínjii Zhuh kat guuveenjít nan sridagwíjúnlik guunjik kwàh. Jii NWT gwizhít duuyeh khehlok nan eenjít gwitr'it gwahaatsaa ginuu goo Dínjii Zhuh ts'at Teenjir nilii kat tthok nan eenjít gwitr'it t'igugwahah'ah guunúndhanh'. Thok nan eenjít gwitr'it gugwahaatsaa guunúndhan gòo' tth'aih hee khehlok guk'andehgahnahtyaa geenjít gígúkhíh.

Aii guk'íghe' 1992 Gwích'in kat ts'at 1994 Sahtu kat guuveenjít nan sridagwíjúnlik aii ts'at 2005 Tlíchó kat guuveenjít nan sridagwíjúnlik ts'at kheenjít k'adagwídaadhat giheedilyaa gwíltsaan guugaa tthak khehlok gwitr'it t'igugwahah'ah geenjít goo'aih.


Thòk nan eenjít sridagugwíjúnlik gwizhít gwitr'it gwahaatsaa ts'at jii guk'andehgahnahtyaa gwík'it gwíheelyaa geenjít Yeenji' ts'an k'adagwídaadhat kat dagwídd'e' k'eejít gugwíltsaíh. Nagwídadhat 1998 Canada gwíchít nilii kat *Níkhwinan kak datthàk guk'andehnahtu guudàgwídd'e' gugwíltsaíh*. Jii Nagwíchoonjik gwinagoo'ee gwa'an tthak jii Níkhwinan kak datthàk guk'andehnahtu guudàgwídd'e' gwinjik gwitr'it gugwahaatsah.

Jii dagwídd'e' gwizhít srú t'inyaanch'uu guk'andehgahnahtyaa gwizhít jilch'eii. Guutagwínyaanch'uu ts'at jii Nagwíchoonjik gwinagoo'ee gwizhít nihh'ejuk geenjít guk'agahnahtyah. Jii nihkhah jilch'eii kat Nagwíchoonjik gwinagoo'ee gwa'an t'anúinch'uu kat ts'at káuk'it hah nan, chuu hah k'agahnahtyaa guuveenjít gwík'it gòonlíh. Jii dínheht'eh zhít jii guk'andehnahtu eenjít jilch'eii kat jii Nagwíchoonjik gwinagoo'ee gwa'an dagíheedyaa geenjít gwídmíthít'oo.




Map 1: Nagwíchoonjik gwinagoo'ee


Jii Nagwíchoonjik gwinagoo'ee gwa'an nan duts'an nilii ts'at nan duts'an nilii kwaa jii nan k'it tagwíltsi' gwídnheht'ee' kak goo'aih.



Nits'oo nikhwinagoo'ee ejuk goonlu tr'igwinah'in Geenjit Goo'au



Nikhwinagoo'ee ejuk goonlu tr'igwinah'in guuzhik nits'oo yeenoo tr'igwindai' gwizhit t'atr'ahdahch'aa geenjit goo'au



Nits'oo nihkhah datthak tr'igwindau gwizhit tr'igwinah'in geenjit goo'au

Jii dagwidj'e' gwizhit Nagwichoonyuk gwinagoo'ee ejuk goonlu gwizhit tr'igwinah'in eenjit jilch'ei kat jii Nagwichoonyuk gwinagoo'ee gwa'an nan ejuk goonlu tr'igwinah'in geenjit guk'andehginahtih. Jii nikhwinagoo'ee ejuk goonlu tr'igwinah'in dàr' tthak gwizhit gugwinah'in, nan kak nits'oo dagwiheech'aa geenjit gwizhit gugwinah'in ts'at nan dagwiheenjaa geenjit guk'andehginahtih.

Jii gwizhit gugwinah'in eenjit jilch'ei kat, nits'oo nikhwinagoo'ee ejuk goonlu tr'igwinah'in gwizhit gwitr'it gwaatsii ts'at nits'oo dinjii kat gwits'at tr'igiheendal geenjit gugwidinuut'oh. Jii gwizhit gugwinah'in eenjit jilch'ei kat tik gwidiili geenjit gugwidinuut'oo ts'at gwik'it goodlit.

Jii Nkhwinagoo'ee ejuk goonlu tr'igwinah'in gugwinu'ee gwinjik gwitr'it gwahaatsaa gwizhit nits'oo gwitr'it gwahaatsaa ts'at jii gwitr'it guuzhik dagwiheedya'aa gahgwiheedandau geenjit gwidinithit'oh. Juudin jii gwizhit gwitr'it t'agwahah'aa jii dinehtl'eh kak gugwahnah'ah.

Jii Nikhwinagoo'ee ejuk goonlu tr'igwinah'in gugwinu'ee gwizhit, nits'oo yeenoo tr'igwindai' geenjit gwidinithit'oo ts'at yeenoo tr'igwindai' geenjit gahdandau kat jii nikhwinagoo'ee ejuk goonlu tr'igwinah'in geenjit gwitr'it t'agwah'in kat hah nits'oo guuts'at geenjit gigiheekhyaa gwizhit goo'aih. Yeenoo tr'igwindai' gahdandau kat ts'at juudin yeenoo tr'igwindai' geenjit gwitr'it t'agwah'in kat jii gwidinithit'oo gwizhit gik'igahaandal gugwahahtsah.

Gwitr'it gwunchii guk'ughè' kauk'it gwizhit ejuk t'igwinju geenjit gwidinithit'oo gwizhit jii gwizhit gugwinah'in eenjit jilch'ei kat gwitr'it k'ughe' dagwiheenjaa gagiguulii geenjit gwizhit gwidinithit'oh. Gwitr'it gwichih nikhwinagoo'ee gwizhit tr'igwinah'in gwizhit nilii kat jii gwitr'it k'ughe' yaa'at ch'u'an gwiheelyaa gwichih jii gwidinithit'oo gwizhit gugwahnah'ah.

1.2 Jii Dineht'eh Gwizhit Dagwinuu

Jii dineht'eh t'at nikhwinagoo'ee ejuk goonlii tr'igwinah'in geenjit gwiyeendoo gwidinithit'oo gwijaa nilih. Jii t'at nits'oo nikhwinagoo'ee ejuk goonlii tr'igwinah'in geenjit gugwinu'ee t'at jii dineht'eh gwizhit gwilat gwizraih geenjit gwidinithit'oo. Jii dineht'eh kat nits'oo gwizhit tr'igwihdichii nihk'it t'igwinch'uh. Ihlat geenjit gwiyeendoo gahvidandai' nohthan ji' jii nikhwinagoo'ee ejuk goonlii tr'igwinah'in geenjit gwiyeendoo gwidinithit'oo gwizhit gugwidint'oo gwichih nihk'it t'idich'uu gwiyeeshak gwahnoh'ah.

Nikhwinagoo'ee ejuk goonlii tr'igwinah'in dai' geetak nits'oo nikhwinagoo'ee gwizhit tr'igwahnah'aa geenjit goo'aii tthak gwinjik gwizhit tr'igwahnah'ah kwah. Dagoonch'uu k'ighe' geetak ejuk t'igwinjik. Jii gwizhit gugwinah'in eenjit jilch'ei kat tr'uilee gugwahtsui ts'at nits'oo gwitr'it gwahahtsaa gwinjik jidui tthak gwizhit gugwinah'in aii ts'at jii nikhwinagoo'ee datthak guk'andehnahtui geenjit goo'aii gwinjik jii gwizhit gwitr'it t'igugwah'inh.

Nagwidadhat March 2004 nikhwinagoo'ee ejuk goonlii gwi'dineht'ee loo jii nikhwinagoo'ee datthak guk'andehnahtui geenjit goo'aii ts'at jii gwizhit gugwinah'in eenjit jilch'ei kat eenjit gwidinuut'oo k'it t'unch'uu kwah. March 2004 dai' nikhwinagoo'ee ejuk goonlii gwi'dineht'ee tr'altsaii t'ee jii nikhwinagoo'ee datthak guk'andehnahtui geenjit goo'aii ts'at jii gwizhit gugwinah'in eenjit jilch'ei kat guudineht'ee ejuk natr'igwihtsaih.

Nikhwinagoo'ee datthak guk'andehnahtui geenjit goo'aii ts'at jii gwizhit gugwinah'in eenjit jilch'ei kat guudineht'ee gwiinuidhan ji' utsui adant'oo kak guu website kak zhat danh' vigihoh'ah mveirb.nt.ca "Reference Library" gwizhit goo'aih.

1.3 Nagwichoonjik gwinagoo'ee guk'andehnahtui geenjit dagwidu'e'

Nagwidadhat 1998 jii Nagwichoonjik gwinagoo'ee guk'andehnahtui dagwidu'e' gwik'it goodlit. 2005 dai' jii Nagwichoonjik gwinagoo'ee gwa'an nan eenjit sridatr'igwijnulik ts'at kheenjit government tr'heedilyaa gugwihtsaii t'ee jii dagwidu'e' ejuk natr'igwihtsaii. Jii dagwidu'e' k'ighe' nihkhah guk'andeh hanahtyaa eenjit jilch'ei kat tr'oonjih. Jii nan eenjit sridagwijnulik kat jii guk'andeh hanahtyaa geenjit gwizhit heelyaa gwaghan guunjiu aii ts'at Sru Tsou Kaik'it gwizhit chit ts'at Yeenji' Ts'aii Iisrit ts'at Chit kat gwizhit heelyaa gwaghan geenjit goonjih. Jii nihkhah jilch'ei kat juudin guuchit heelyaa guunjih. Dinji Zhuh eenjit Iisrit ts'at Chit kat jii oozru tr'oonjiu k'ighe' chit ts'at yah hadaach'aa kat tr'oonjiu. Tliho Geenjit Chit Kat gwik'it guuveenjit goonlii, jii Wek'ezhii geenjit nan ts'at chuu guk'andeh tr'inahtui gwizhit heelyaa geenjit uurzu neekaii guunjih.

Jii dagwidu'e' gwizhit nihkhah nan k'andehtr'ahnahtyaa kat tr'oonjiu aii geeghee ts'at chan nits'oo nan t'atr'ijahch'uu eenjit tr'uilee tr'igwahtsui, nan ts'at chuu hah nits'oo k'andehtr'ahnahtyaa, gwitr'it gwahahtsaa gwichih gwizhit tr'igwinah'in, nikhwinagoo'ee gwizhit gwunzu tr'igwinah'in, ts'at nan ejuk gwiheelyaa geenjit gwizhit tr'igwinah'in jii tthak jii

dagwidj'e' gwizhit nìlih. Jii dagwidj'e' gwizhit nits'oo nan guk'andeh tr'ahnahtyaa ts'at gwizhit tr'igwahnah'aa geenjit chan gwidinithit'oo.

Jii Nagwichoonjik Gwinagoo'ee Guk'andehtr'inahtu dagwidj'e' niuzhuk kwaa gwino eujuk natr'igwitsau guuzhik Tlìcho kat, Wek'èezhii nan t'agijahch'uu eenjit tr'ulee gugwahtsu geenjit jilch'eu tr'igwitsaih kwàh. Tlìcho gwichit kat nits'oo diginan t'atr'ahdahch'aa guundhan gwik'it gòonlih.

Dehcho nits'oo gwitr'it gwahaatsaa geenjit goo'au gwinjik t'at nits'oo guunan t'atr'ahdahch'aa gwi'dineht'ee' tr'ulee gugwitsaih.

1.4 Nan T'atr'ijàhch'uu Geenjit Jilch'eu Kat

Jii nan t'atr'ijàhch'uu geenjit jilch'eu kat Gwich'in ts'at Sahtu guunan nits'oo t'atr'ahdahch'aa geenjit tr'ulee gugwahtsih. Jii nan t'atr'ijahch'uu gwik'it gugwitsau gwizhit jidii srit nan, chuu ts'at jidii atr'igwah'au duuleh t'agijahch'uu gahgwiheedandau geenjit gugwahtsih. Nan ts'at chuu eenjit jilch'eu kat jii nan t'atr'ahdahch'aa geenjit goo'au gwinjik gwitr'it gwahaatsaa gugwinah'in jì' gwizraih gwitr'it geenjit dineht'eh gwits'an gahahtsah.

1.5 Nan ts'at Chuu Geenjit Jilch'eu Kat

Jii Nikhwinan Kak Datthak Guk'andehnahtu Guudagwidj'e' t'at jii Nagwichoonjik gwinagoo'ee nan, chuu hàh eenjit jilch'eu gugwitsau ts'at jii gwiyezhak goo'au chan gugwitsaih:

- Gwich'in Geenjit Nan ts'at Chuu Eenjit Nijlzhii Kat
- Sahtu Geenjit Nan ts'at Chuu Eenjit Nijlzhii Kat
- Wek'èezhii Geenjit Nan ts'at Chuu Eenjit Nijlzhii Kat

Jii nan ts'at chuu eenjit nijlzhii kat gwitr'it gwahaatsaa ji' gwizhit gwunzu gugwinah'an t'ee jii Nagwichoonjik Gwinagoo'ee eujuk goonli gwizhit tr'igwinah'in eenjit jilch'eu kat gwizhit gugwahnah'aa guundhan ji' akoo digwiheedyah. Juu digidi'inh' t'ee gwitr'it gwahaatsaa ginuu ji' gwitr'it gwahaatsaa geenjit dineht'eh guuts'an gahahtsah. Gwitr'it gwahaatsaa gwichih dineht'eh giheedyah.

Nikhwinagoo'ee nan chuu eenjit jilch'eu kat gwindoo dakdhat nìli kat jàa gunlih. Jii Nikhwinagoo'ee nan ts'at chuu eenjit jilch'eu kat diginan guk'adehginahit.

1.6 Nagwichoonjik Gwinagoo'ee Nan, Chuu hàh Eenjit Nijlzhii Kat

Jii tik gwidili nikhwinagoo'ee nan ts'at chuu hàh eenjit jilch'eu kat ts'at nan guuvenjit srit'ilih kwaa eenjit nijlzhii kat tthak jii Nagwichoonjik Gwinagoo'ee Nan, Chuu hàh Eenjit Nijlzhii gwizhit gunlih. Jii Nagwichoonjik Gwinagoo'ee Nan, Chuu hàh Eenjit Nijlzhii Kat gwitr'it gwahaatsaa gwichih gwizhit gugwinah'ii t'ee jii gwiyezhak gwitr'it geenjit dineht'eh gwits'an gahtsih:

- Nan guuveenjít srít'ílih kwaa gwa'an gwitr'ít duuleh gwahaatsaa
- Gwitr'ít gwahaatsaa jí' níkhwinagoo'ee nan ts'at chuu eenjit níjilzhii kat srít'ínyaanch'uu eenjit duuleh yaa'at ch'í'án gwiheelyaa
- Nagwichoonjik geh'ók gwitr'ít gwahaatsaa

Jíi Nagwichoonjik Gwinagoo'ee Nan, Chuu hàh Eenjit Níjilzhii kat guundu níkhah jílch'ei kat nan ts'at chuu gwíinzi k'agínahtii geenjit loohah guk'andehgínahtii, jíi t'at Gwich'in, Sahtu ts'at Wek'èezhii guuveenjít níjilzhii kat.

1.7 Nagwichoonjik Gwinagoo'ee Ejuk Goonlii Gwizhit Tr'igwinah'in Eenjit Níjilzhii Kat

Jíi nan, chuu eenjit níjilzhii kat ts'at káuk'ít gwizhit chít kat jíi gwitr'ít guk'íghe' nan kak yaa'at ch'í'án gwiheelyaa guundhan jí' jíi Nagwichoonjik Gwinagoo'ee Ejuk Goonlii Gwizhit Tr'igwinah'in Eenjit Níjilzhii Kat gwizhit gugwahnah'aa gwahaatsah.

Jíi nan guk'andehnahtii kat gwitr'ít gwahaatsaa jí' nan kak dagwiheech'aa gwizhit gugwahnah'ah guundhan jí' ako' dígiheedyah.

1.8 Nan kak Ejuk Goonlii Gwizhit Nagugwinaa'ík

Nan kak ejuk goonlii gwizhit nagugwinaa'ík t'at nan kak gugwehdeendał kwaa geenjit goonlii. Áii geeghee ts'at chan jídu geenjit ganúnji'gwadhat gwizhit gugwinah'in.

Nan kak gugwehdeendał gwizhit gugwinah'in gwichii duuyeh gwitr'ít geenjit díneht'eh gwíts'an gahtsih. Gwitr'ít k'íghe' duuyeh nan kak yaa'at ch'í'án guunlii ts'at káuk'ít gwizhit

t'íinch'uu kat ganúnji'gíheedhat kwaa loo hah guundhanh áii t'ee gwízraih gwitr'ít geenjit díneht'eh gwíts'an gahaatsah.

Nan kak yaa'at ch'í'án goonlii – Gwitr'ít k'íghe' níkhwinagoo'ee gwa'an yaa'at ch'í'án goonlii. Jíi Nagwichoonjik Gwinagoo'ee gwa'an nan, chuu, vík'íghe' tr'ídazhak, dínjii kat ts'at káuk'ít kat tthak gwizhit nílih.

Loo hah nan kak yaa'at ch'í'án goonlii - Gwíinchiu ejuk goonlii ts'at nan kak duuleh gwíjínchiu srehtagugwehdeelyaa geenjit k'í'ít tr'ígwahaatsaa.

Gwíinchiu ganúnji'gíheedhat – Ganúnji'tr'adhat gwíyeendoo akoo dagwiheech'ah kwaa. Gahgwiheedandau: jíi gínjih “gwíjínchiu”, “uu'ók ganúnji'tr'adhat” ts'at “duuleh” jíi Gwizhit Tr'igwinah'in Eenjit Jílch'ei Kat guudíneht'ee gwizhit geenjit dagwínuu gwídníht'oh. Jíi díneht'eh nohthan jí' útsii vízhít atr'ídínt'oo mveirb.nt.ca danh' vígíhoh'ah.

Nits'oh ts'at digwiheedya'aa geenjit gwidinithit'oo

115. Jii gwizhit goo'an kxanh' juu digwiheech'aa ts'at jii gwiyezhak gwinjik akoo digwiheedya'aa

(a) gwitr'it gwunchii k'ughe' nan kak gugwehdeenda kwaa geenjit guk'andehgahnahtyaa,

(b) Nagwichoonjik Gwinagoo'ee gwa'an kxuk'it gwizhit t'anunch'uu kat tthak guuveenjit yaa'at ch'uan gwiheelyah kwaa geenjit guk'andehgahnahtyaa, aii ts'at

(c) Canada gwizhit dinjii zhuh kat tthak nits'oo gugwindaii gwizhit tthak guuveenjit gwunzii gwihee'aa ts'at guuveenjit guk'agahnaatyaa jii Constitution Act, 1982 gwizhit geenjit gwidinithit'oh.




Figure 1: Nikhwinagoo'ee ejuk goonlii tr'igwinah'in – tik gwidilii

Nikhwinagoo'ee ejuk goonlii geenjit gwizhit tr'igwahnah'aa daii jii gwiyezhak tik gwidilii gwinjik gwizhit tr'igwahnah'ah:

- Tr'oochit gwizhit gugwinah'in
- Dunagoo'ee tr'igwinah'in
- Gwunzii nikhwinagoo'ee natr'igwinah'in

Geetak gwitr'it gwichih gwizhit tr'igwahnah'aa tr'oochit gwizrait gwizhit gugwinah'in gugwahtsih. Gwunzii nikhwinagoo'ee natr'igwahnah'aa gwik'it gwiheelyaa ji' gwindoo geenjit gik'itr'ihaandal geenjit gwizhit tr'igwinah'in t'ee gwizrait dagwiheedya'aa digehdeenjah. Gwitr'it geenjit gwindoo gik'itr'aanjii t'ee jidii gwindoo gwiunchii gwuniidhan gwizhit gugwahnah'ah.

Jii Nagwichoonjik Gwinagoo'ee Nan, Chuu hah Eenjit Nijilzhii kat ts'at kxuk'it gwizhit nan, chuu hah eenjit nijilzhii kat tr'oochit jii Nagwichoonjik Gwinagoo'ee gwizhit gugwahnah'ah.

Tr'oochit gwizhit gugwinah'in t'at din k'ideetak nihk'ii tik gwiheedhah. Juu digwidin guuzhik tr'oochit gwizhit tr'igwinah'an kat duuleh jii gwitr'it k'ughe' nan kak yaa'at ch'uan gwiheelyaa goo jidii geenjit dinjii kat ganunji' gadhat geenjit gahgiheedandaii gugwahtsih. Jii t'at "duuleh digwiheenjaa geenjit gwizhit gugwinah'in" gugahnuh .

Dinjii Zhuh Gwichit, Kxuk'it Gwichit, Sui Tsoo Kxuk'it Chit Kat, Nji' Kxaii Isrit ts'at Chit kat aii ts'at Gwizhit Gugwinah'in Geenjit Nijilzhii kat jii kat tthak t'at tr'oochit gwizhit gugwinah'inh'. Gwizhit gugwinah'in kat nits'oo gwitr'it gwahahtsaa geenjit ganunji' gadhat ji' jii tr'oochit gwizhit gugwinah'in kat hah geenjit duuleh gik'ikhii. Jidii tthak gik'igaanjik chxanh' gidilii t'ee jii tr'oochit gwizhit gugwinah'in kat jii gwitr'it k'ughe' duuleh dagwiheenjaa geenjit

gwizhit gugwinah'inh'. Duuleh dagwiheenjaa geenjit gwizhit gugwinah'in t'ee gwik'it goonlii ji' gwitr'it gwahahtsaa gwichih gwizhit gugwinah'in geenjit jilch'eii Kat nan dagwiheech'aa gwizhit gugwannah'ah.

Nan dagwiheech'aa gwizhit tr'igwinah'in guuzhik – jii gwizhit gugwinah'in geenjit jilch'eii kat jii gwitr'it k'ughe' nan kak yaa'at ch'ii'an gwiheelyaa goo jii gwitr'it geenjit kauk'it gwizhit ganunji'tradhat duuyeh k'ii'it tr'igwahtsui ji' gwitr'it gugwahahtsah kwaa gehdeenjaa gòo' gwizhit gwiyeendoo tr'igwannah'aa gugwahahtsah.

Jii gwizhit gugwinah'in geenjit jilch'eii kat gwitr'it k'ughe' nan kak yaa'at ch'ii'an gwiheelyaa ejuk nagugwahahtsaa t'ee gwizraih duuleh gwitr'it gugwahtsuh. Nji' khau chit kat ts'at geetak Nan Kak Tthak Nih'ejuk T'idich'uu Eenjit Gwats'at K'adagwidaadhat Kat jii nan tr'igwinah'in geenjit gwidinithit'oo gugwinah'in t'ee gwik'it gwiheelyaa ginuu ji' gwitr'it gwi'dineht'ee gwits'an ahtsui kat jii gwitr'it geenjit gwidinithit'oo guutsan gahahtsaa.

Dagwiheenjaa geenjit gwizhit gugwinah'in - Duuleh gwitr'it k'ughe' nikhwinagoo'ee gwa'an yaa'at ch'ii'an gwiheelyaa goo tthak ts'at ganunji'tradhat geenjit tr'oochit gwizhit tr'igwinah'in

K'ii'it tr'igwahtsui – Dinagoo'ee gwa'an yaa'at ch'ii'an goonlii datthak k'ii'it tr'igwahtsui.

Gwizhit gugwinah'in geenjit jilch'eii kat dinagoo'ee gwa'an yaa'at ch'ii'an goonlii goo kauk'it gwizhit ganunji'tradhat duuyeh k'ii'it tr'igwahtsui ji' gwitr'it gugwahahtsah kwaa gehdeenjaa gòo' gwizhit gwiyeendoo tr'igwannah'aa gugwahahtsah.

Tr'oochit nikhwinagoo'ee ejuk goonlii geenjit gwizhit tr'igwinah'in aii t'ee gwiunzii nikhwinagoo'ee natr'igwinah'inh'. Gwizhit gugwinah'in geenjit jilch'eii ezhiu jii gwizhit gugwinah'inh'. Jii gwizhit gugwinah'in geenjit jilch'eii kat juudin gwizhit heelyaa tagugwahjih ts'at gwizhit gugwinah'in kat ihlee duuleh guutat dhidih.

Nan kak yaa'at ch'ii'an goonlii gwizhit tr'igwinah'in dai' gwindoo gahgwiheedandau gugwahtsui k'ughe' jii gwizhit gugwinah'in kat gwiunzii gwizhit gugwannah'aa ts'at dagwiheedyaa'aa ts'at jii gwitr'it k'ughe' dagwiheech'aa gwiyeendoo gahgwiheedandau.

1.9 Nikhwinagoo'ee ejuk goonlii tr'igwinah'in geenjit ginjih

Nikhwinagoo'ee ejuk goonlii tr'igwinah'in geenjit ginjih vi'gwidhan dineht'eh kak nitr'igwii'au. Gwiyeendoo jii geenjit gahvidandai' nohtan ji' jii gwizhit gwahnoh'aa, Nagwichoornjik Gwinagoo'ee Guk'andehnahtu Dagwidh'e' Gwi'dineht'ee aii ts'at Gwizhit Gugwinah'in Geenjit Jilch'eii Kat Dagwidedakhan Gwinjik Gwitr'it T'igwaa'in gwi'dineht'ee'. Jii tthak utsui vizhit atr'idint'oo kak goo'aih, Gwizhit Gugwinah'in Geenjit Jilch'eii guu website kak goo'aih. Zhat danh' gwahnoh'ah mveirb.nt.ca aii t'ee "Reference Library."

Nagwichoonjik Gwinagoo'ee

Guk'andehnahtu Geenjit Dagwidj'e' ts'at Dagwideedakhan Gwinjik Gwitr'it Gwahaatsaa geenjit duyah tr'igwaandak

Nagwichoonjik Gwinagoo'ee Guk'andehnahtu Geenjit Dagwidj'e' ts'at Dagwideedakhan Gwinjik Gwitr'it Gwahaatsaa ejuk natrigwitsau k'ughe' jii gwizhit gugwinah'in geenjit jilch'eu kat March 2005 gugwinu'ee gwinjik gwitr'it gwahaatsaa geenjit ginjih ejuk gugwahaatsah, jii gwiyezhak geenjit gwidinithit'oh:

Gwitr'it gwahtsu kat – Jii kat gwitr'it gwaatsii geenjit gwichit gunlii au ts'at guugwitr'it gwizhit tr'igwinah'in.

Gwinzui nikhwinagoo'ee natr'igwinah'in – Gwizhit gugwinah'in geenjit jilch'eu kat gwitr'it gwahaatsaa gwichih gwinzui gwizhit gugwinah'inh'.

Dinju Zhuh – Gwich'in kat, Sahtu gwits'at Aachin kat, North Slave gwa'an Teenjir Nilu kat, South Slave au ts'at Deh Cho gwa'an jii Nagwichoonjik Gwinagoo'ee gwizhit gunlii. Tlihcho gwi'aachin kat guuchit hah gwizhit gunlih kwah.

Gwitr'it k'ughe' nikhwinagoo'ee ejuk goonlih – Gwitr'it k'ughe' jii kat tthak ejuk goonlii nan, chuu, vik'ughe' tr'idazhak, nin eenjit nitr'aazui, nits'oo k'uk'it gwizhit tr'igwindau au geeghee ts'at y'eenoo dai' nikhwinagoo'ee nihh'ejuk goonlii guk'anaatih.

Srit'inyaanch'uu kat – Ihlee goo srit'inyaanch'uu kat dinagoo'ee tr'igwinah'in gwizhit giheelyaa jii gwizhit gugwinah'in eenjit jilch'eu kat daginuu gwinjik akoo digiheeya'aa. Jii kat tthak duuleh gwizhit gunlih, Gwitr'it gwahtsu kat, Dinju zhuh kat gwitr'it k'ughe' guuveenjit ejuk giheelyaa, Nji' huu Iisrit ts'at Chit kat, gwitr'it gwahaatsaa gwi'dinehtl'ee gwits'an ahtsu kat au ts'at juudin nan di'ii jii gwitr'it k'ughe' ejuk giheelyah gaonuh.

Yeenoo uuzru nihh'ejuk geedi'in' juk ejuk guutr'oozrh ts'at tthak nihk'it guudzrh.

SECTION 2:

GWITR'IT GWICHIH TR'OCHIT TR'IGWINAH'IN

2.1 Gwiyechih Nitr'igwinu'au

Nagwichoonjik Gwinagoo'ee gwizhit gwitr'it gwahaatsaa gwichih 95 percent gwizrah tr'oochit tr'igwinah'in. Jii t'at nikhwinagoo'ee ejuk goonlii tr'igwinah'in gwizhit gwiyeendoo gwungwan goonlih.

Jii gwitr'it k'ughe' nikhwinagoo'ee gwa'an yaa'at ch'ii'an giheelyaa goo duuleh dinju kat geenjit nunji'giheedhat jii geenjit gwitr'it gwizhit tr'oochit tr'igwinah'inh. Gwiyeendoo gwizhit gugwahnah'ah kwah. Dinagoo'ee tr'igwinah'in guuzhik yaa'at ch'ii'an giheelyaa gik'igaanjik ji' jii gwizhit gugwinah'in eenjit jilch'eu kat akoo digehdeenjah.

Gwitr'it gwahaatsaa gwichih nan, chuu hah t'atr'ahdahch'aa gwi'dineht'ee' tr'heedya'aa goo geenjit chit kat nilii duuleh akoo digiheedya'aa guugahnuh. Jii t'at nan, chuu ts'at nan kak nihh'ejuk t'igoonch'uu guk'andehnaatih geenjit.

Nan ts'at chuu t'atr'ahdahch'aa gwi'dineht'ee' gwiniidhan ji' nan, chuu hah eenjit jilch'ei kat tr'oochit jii gwitr'it geenjit dineht'eh kak gugwinah'in. Jii gwitr'it geenjit ejuk gwiniidhan ji' guk'andehnahtii kat goo nihkhan usrit ts'at chit kat guuts'at nigiyilih. Gwizhit gugwinah'in geenjit jilch'ei kat, jii gwitr'it geenjit ganunji'adhat kat ts'at kauk'it gwizhit gwitagwinyaanch'uu kat t'at tr'oochit gwizhit gugwinah'in kat jii gwitr'it geenjit guuts'at gigykhiih.

2.2 Gwitr'it Gwahaatsaa Gwichih Kauk'it Nigijaa

Gwitr'it gwahaatsaa gwichih nihkwinagoo'ee ejuk gwiheelyaa geenjit tr'gwinah'in guuzhik uu'ok t'anunch'uu kat aanaih guutr'ahnuu geenjit gwijunchii goonlih. Gwitr'it geenjit gisrii nitr'ahjii guuzhik uu'ok t'anunch'uu kat jii gwitr'it k'ughe' guuveenjit ejuk gwiheelyaa ts'at gwiheezaa geenjit ejuk gugwahtsii geenjit guuvah tr'igwaandak dai' datthak jii gwitr'it geenjit gahgiheedandau tr'igwahtsiih.

Gwitr'it gwi'dineht'ee' gwits'an tr'ahaatsaa gwichih jii gwitr'it gwaatsii kat jii gwitr'it geenjit tthak gahgwiheedandau gugwahahtsah. Jii gwitr'it k'ughe' gwiinlit yaa'at ch'ii'an gwiheelyaa gugwinah'in ji' jii gwitr'it gwaatsii kat nihkhan kauk'it neegiheedada. Kauk'it gwits'at neegidadal dai' jii gwitr'it dagwahchii gwahaatsaa geenjit gwuyeeendoo ganunji'tr'adhat kwaa. Jii tr'oochit gwizhit gugwinah'in kat daginuu gwinjik

jii gwitr'it gwaatsii kat gwitr'it gugwahahtsah geenjit goo'aih. Jii gwitr'it gwaatsii kat ts'at juudin jii gwitr'it geenjit ganunji'adhat jii tr'oochit gwizhit gugwinah'in kat daginuu gik'igahaandal gugwahahtsah.

Kauk'it neegidadal dai' juu digidi'inh':

- Kauk'it gwizhit jii gwitr'it geenjit gahgwiheedandau gugwahstiih
- Jii gwitr'it geenjit srit'ahshuk ganunji'giheedhat guuts'an gugwahtsiih
- Jii gwitr'it gwizhit geenjit nits'oo dagwiheech'aa ts'at dagwiheedya'aa geenjit kauk'it gwizhit gigykhiih

Dagwinuu tthak jii tr'oochit gwizhit gugwinah'in kat hah geenjit giigheekhyah.

2.3 Gwitr'it Geenjit Dineht'eh Gwits'an Gahtsiih

Gwitr'it gwichih gwizhit tr'igwinah'in geenjit gwidinithit'oo k'ughe' t'at jii tr'oochit gwizhit tr'igwinah'in tr'igwahtsiih. Gwitr'it geenjit dineht'eh nihhinehch'ii' gwiniidhan ji' tr'oochit gwizhit tr'igwahnah'aa t'ee gwizraih gwitr'it geenjit dineht'eh giheedya'ah.

Gwitr'it gwik'ughe' gwuyeeendoo ejuk gwiheelyaa kwaa dai' tr'oochit gwizhit tr'igwahnah'aa gwik'it goonlih kwah geenjit gwidinithit'oh. Iitsu adant'oo zhit jii gwizhit gugwinah'in geenjit jilch'ei kat guu website kak jii geenjit gwidinithit'oo gugihoh'aa guu website t'at mverb.nt.ca ts'at "Reference Library" gwizhit goo'aih.

Izhu gwitr'it gwizhit goodhan goonlu goo ju gwitr'it June 22, 1984 gwichih akoo dagwiheeya'aa gidinu' ji' duuyah gwizhit tr'igwahnah'ah ju Nagwichoonjik Gwinagoo'ee Guk'andehnahtu Geenjit Dagwidu'e' Gwiltstau gwizhit geenjit gwidinithit'oo, section 119 and 124(b) ts'at section 157.1 danh' gwahnoh'ah. Ju kakkoo geenjit goo'au t'at Nikhwitsii Gugwidinuut'oo vitr'ahnuh.

Nikhwitsii gugwidinuut'oo – June 22, 1984 gwichih gwitr'it geenjit dineht'eh tr'idri' in ji' duuyeh nikhwinagoo'ee ejuk gwiheelyaa gwizhit tr'igwahnah'ah.

2.4 Gwitr'it Geenjit dineht'eh Jidii Tthak Gwizhit Nilii Geenjit Tr'igwinah'inh'

Tr'oochit gwizhit gwinah'in kat ju gwitr'it geenjit dagoonch'uu tthak gahgiheedandau tl'ee ju nikhwinagoo'ee yaa'at ch'uan goonlu ts'at uu'ok ganunji'tr'adhat gwizhit tr'igwahnah'ah. Ju tr'oochit gwizhit gwinah'in kat, gwitr'it geenjit dineht'eh jidii tthak gwizhit heelyaa guunudhanh'. Ju dineht'eh gwizhit jidii guunudhan goo'au kwaa ji' ju tr'oochit gwizhit gwinah'in kat duuleh geenjit guutr'oodahkat goo duuyeh ju dineht'eh guuheendal gehdeenjaa ts'at gwitr'it gwaatsu kat chan dineht'eh k'eejit gwits'an nagahahtsah. Nijin dineht'eh gwizhit tthak goo'au guunudhan gwizraih ju tr'oochit gwizhit gwinah'in kat gwizhit gugwahnah'ah.

Tr'oochit gwizhit gwinah'in kat gwitr'it

gwi'dineht'ee' gwizhit jidii gaguguulu gahvidandai' nothan ji' Nikhwinagoo'ee Ejuk Goonlu Tr'igwinah'in geenjit gwidinithit'oo gwizhit gwinoh'ih.

2.5 Izhu Geenjit Jilch'ei Kat, Gwizhit Gugwinah'in Kat ts'at Uu'ok T'aninch'uu Kat Eenjit Gahgwiheedandau Tr'igwahtsah

Gwitr'it geenjit dineht'eh gwizhit jidii tthak guunudhan goo'au ji' ju tr'oochit gwizhit gugwinah'in kat juudin gwizhit gugwahnah'aa nihhnehch'i' gahgiheedandau gugwahtsah ju t'at Chit kat, Dinju Zhuh kat ts'at kauk'it t'aninch'uu kat, ju kat tthak gwitr'it geenjit gahvidandai' guunudhan ts'at geenjit ginjih junchu gahahtsah. Uu'ok gahgwiheedandau geenjit gwindak gwi'dineht'ee' ts'at iitsu vizhit atr'idint'oo kak ju tthak geenjit gwidinithit'oh, uu'ok t'inch'uu kat tr'oochit gwizhit tr'igwahnah'aa gwizhit giheelyaa guunudhan geenjit.

Ju gwitr'it gwizhit dagwidi'ii geenjit dineht'eh kak nitr'igwii'au k'ughe' izhuu kat ju tr'oochit gwizhit gwinah'in eenjit gahgiheedandau. Sru t'inyaanch'uu kat ju gwitr'it gwizhit nihhnehch'i' gwizhit gugwinah'in geenjit tr'ulee gugwahahtsaa au geenjit ju gwijunchu goonlih.

2.6 Yaa'at Ch'ii'an Goonlu ts'at K'ii'it Tr'igwahtsii Geenjit Tr'igwidint'oo

Tr'oochit gwizhit gugwinah'in kat jidii k'ughe' duuleh yaa'at ch'ii'an gwiheelyaa guunudhan ju gwiyezhak geenjit gwidinithit'oh:

- Nan
- Chuu

- Vik'ughe' tr'idazhak
- Dünagoo'ee gwizhit datthak
- Nin katr'idi'in
- Nits'oo nihkhah datthak tr'igwindau ts'at nits'oo yeenoo tr'igwindai'
- Yí'eenoo dai' nikhwinagoo'ee nihh'ejuk goonlii guk'anaatli

Gwitr'it gwaatsii ts'at gwizhit gugwinah'in kat tthak gwitr'it geenjit jidii tthak guuvah gwaandak t'ee tr'oochit gwizhit gugwinah'in kat jii gwitr'it k'ughe' yaa'at ch'ii'an gwiheelyaa ts'at nits'oo k'ii't tr'igwahahtsaa geenjit gugwidinuut'oo t'ee nits'oo yaa'at ch'ii'an gwiheelyaa k'ii't gugwahahtsaa geenjit dagiheedya'aa guutr'ahnuh.

2.7 Dagwiheenjaa gwunudhan geenjit gwizhit gugwinah'in

Tr'oochit gwizhit gwinah'in kat duuleh gwitr'it k'ughe' nits'oo dagwiheenjaa jii gwiyezhak geenjit gwidinithit'oo:

- Jii nikhwinagoo'ee gwunt'oh yaa'at ch'ii'an gwiheelyaa
- Uu'ok t'anin'uu geenjit ganunji'tr'adhat

Jii gwitr'it k'ughe' dagwahchii yaa'at ch'ii'an gwiheelyaa k'ughe' dagwiheenjaa gwunudhan geenjit gwizhit gugwinah'in. Tr'oochit gwizhit gwinah'in kat jii geenjit ganunji'giheedhat, yaa'at ch'ii'an goonlii dagwahchii gwiheelyaa, dahshuk gwiheedhaa, dagwahchii gwa'an gwiheelyaa ts'at yaa'at ch'ii'an gwiheelyaa gwunudhan.

2.8 Gwitr'it Gwichih Tr'oochit Gwizhit Gugwinah'in T'ee Dagwiheedya'aa Geenjit Gugwidint'oh

Tr'oochit gwizhit gwinah'in kat dagwiheedya'aa gwunudhan geenjit gwunzii diiyah gugwahaandak.

Gwik'it goodlit t'ee jii tr'oochit gwizhit gwinah'in gwidneht'ee' t'at jii tr'oochit gwizhit gwinah'in ihlee geenjit duuzri' danti'oh. Tr'oochit gwizhit gwinah'in kat dagunudhan jii gwitr'it t'agwahah'aa kat, gwizhit gugwinah'in eenjit jilch'ei kat ts'at uu'ok nilii kat tthak geenjit guuvah gugwaandak.

2.9 Ezhu Ganunji'gadhat Gwits'an Gahtsih

Tr'oochit gwizhit gugwinah'in kat duuleh duuyeh jii nikhwinagoo'ee gwizhit tr'igwahnah'aa gehdeenjaa goo izhuu kat jii gwitr'it k'ughe' yaa'at ch'ii'an gwiheelyaa ts'at uu'ok t'inch'uu kat jii gwitr'it geenjit ganunji'gadhat gehdeenjah. Izhuu kat jii gwitr'it geenjit duuleh nikhwinagoo'ee gwizhit gugwinah'in jii tr'oochit gwizhit gwinah'in daginuu guuke'gitee'ah kwaa ts'at akoo digiheedya'ah. Izhuu kat dagiheedya'aa akoo digehdeenjaa guuveenjit gwik'it goonlii jii gwiyezhak geenjit gwidinithit'oh:

- Gwizhit gugwinah'in eenjit jilch'ei kat
- Dagwiheedya'aa daginuu eenjit chijch'ii kat, Nan kak tthak khai nihh'ejuk t'idich'uu eenjit gwats'at k'adagwidaadhat kat, Sru Tsoo Kauk'it gwizhit chit ts'at nji' hui chit gwats'at nilii kat
- Gwich'in gwichit, Sahtu gwichit ts'at Ticho gwichit kat
- Nagwichoonjik Gwinagoo'ee gwa'an kauk'it gwizhit chit kat

Jii eenjit jilch'ei kat gwitr'it gwahtsaa gwizhit gugwahnah'aa gugwahahtsaa gwunudhan ji' jii tr'oochit gwizhit gugwinah'in kat jidii gwits'an gahtsii nihk'it t'igwiheech'aa.

SECTION 3:

DIINAGOO'EE GWIZHIT TR'IGWINAH'IN

3.1 Gwiyeeshih Nitr'igwinu'au

Gwitr'it gwahahtsaa gwichih geenjit diinagoo'ee gwizhit tr'igwahnah'aa geetak gwinnudhanh kwah. Gwitr'it gwahahtsaa gwichih diinagoo'ee gwizhit tr'igwahnah'aa ji' jii gwitr'it k'ughe' nan kak yaa'at ch'ii'an gwiheelyaa ts'at uu'ok nilii kat guuveenjit yaa'at ch'ii'an gwiheelyaa gwiyeendoo geenjit gwizhit tr'igwahnah'ah. Jii gwitr'it k'ughe' nan kak yaa'at ch'ii'an gwiheelyaa goo uu'ok t'anunch'uu kat jii gwitr'it geenjit ganunji'gadhat jii Nagwichoonjik gwinagoo'ee ejuk goonlii gwizhit tr'igwinah'in eenjit nijilzhu kat gwizhit gugwahnah'ah.

Gwizhit gugwinah'in geenjit jilch'eu kat jii Nagwichoonjik Gwinagoo'ee gwa'an adiganh' zraih nikhwinagoo'ee gwizhit tr'igwinah'in geenjit gwitr'it gugwahtsih.

Duuleh – 50 percent akoo dagwahchii duuleh akoo digwiheenjah.

3.2 Gwizhit Gugwinah'in Eenjit Jilch'eu Kat Guuveenjit Dagwinuu

Nagwichoonjik gwinagoo'ee ejuk goonlii gwizhit tr'igwinah'in eenjit nijilzhu kat t'at khehlok nan k'andehtr'inahtu digunch'uh. Jii gwizhit gugwinah'in eenjit jilch'eu kat jidii

t'igugwahah'aa guuveenjit gwitr'it t'agwah'in kat goonlii. Jii gwitr'it t'agwah'in kat gwizhit gugwinah'in eenjit jilch'eu kat daginuu gwinjik digigwitr'it t'igigwah'in au ts'at uu'ok t'anunch'uu kat, nihh'ujuk gwizhit gunlii kat nikhwinagoo'ee gwizhit tr'igwinah'in guuzhik dinjii kat ts'at tr'igunjih.

Jii gwizhit gugwinah'in eenjit jilch'eu kat digigwitr'it t'igigwah'in dai' ch'igwiju'ee ts'at gwitr'it gugwahtsih. Ch'igwiju'ee ts'at gwitr'it gugwahtsu dai' jii gwiyeeshak geenjit gwidinithit'oo gwik'it gwiheelyah:

- Datthak jidii geenjit gagiheekhyaa tr'ulee gugwahahtsaa guuveenjit gwik'it gwihee'aa
- Guuveenjit gwik'it goonlii kwaa ji' geenjit aguuhadahkat guuveenjit gwihee'aa
- Jii gwizhit gugwinah'in kat dagwinuu tthak gugwijutth'ak tl'ee gwizraih dagwiheedy'aa gehdeenjah
- Jii gwizhit gugwinah'in kat hnatr'aadal gwizhit dagwinuu tthak geenjit ganunji'gadhat tl'ee gwizraih dagwiheedy'a'aa gehdeenjah
- Jii gwizhit gugwinah'in kat gwitr'it t'agwah'in kat hah gigjkhii kwaa k'ughe' guuyinji' ejuk t'heenjah kwah

3.3 Izhuu Kat Nits'oo Gwitr'it Gugwahtsih

Srit'inyaanch'uu kat nikhwinagoo'ee dagoonch'uu gwizhit tr'igwinah'in gwizhit gunlii. Jii gwizhit nilii ts'at dagidi'in tthak geenjit jii gwiyeeshak gwidinithit'oh:

- **Gwitr'it t'agwah'in kat** – Nikhwinagoolee gwizhit tr'igwinah'in guuzhik jii gwitr'it t'agwah'in kat gwitr'it k'ughe' yaa'at ch'ii'an gwiheelyaa ji' nits'oo k'ii'it gugwahahtsaa

gehdeenjah. Jii gwitr'it t'agwah'in kat, nits'oo gwitr'it gahahtsaa ts'at yaa'at ch'ii'an gwiheelyaa dagwiheech'aa goo dagwiheenjaa geenjit duyah gagwahaandak aii geeghee ts'at chan hnatr'aadal gwizhit giheelyaa ts'at gwidiu gigiheekhyah.

- **Sriit'inyaanch'uu nihkhah jilch'ei kat** – Jii sriit'inyaanch'uu nihkhah jilch'ei kat nits'oo gwitr'it gwizhit tr'igwahnah'aa dugahnuu, gwitr'it geenjit aguuhadahkat, jii gwitr'it dagwiheech'aa geenjit duits'at giguikhii, ts'at hnatr'aadal dai' gwizhit giheelyaa ts'at gwidiu gigiheekhyah.
- **Uu'ok t'anunch'uu kat** – Lnatr'aadal gwizhit duuleh giguikhii goo jidii geenjit ganunji'gadhat jii gwizhit gugwinah'in eenjit jilch'ei kat geenjit guuts'at etr'ehdineet'oh.
- **Gwitr'it gwi'dineht'ee' gwits'an ahtsu kat** – Jii nikhwinagoo'ee gwizhit tr'igwinah'in geenjit gwidinithit'oo ts'at jii gwitr'it gwik'it gwiheelyaa ginuu t'ee jii gwitr'it k'ii'ghe' yaa'at ch'ii'an gwiheelyaa nits'oo k'ii'it gugwahahtsaa dugahaanjaa ts'at jii gwitr'it gwi'dineht'ee' guuts'an tr'ahtsu gwizhit heelyah.
- **Nji' khau iisrit ts'at Chit** – Nji' khau Dinji Zhuh geenjit iisrit ts'at Chit
- **Nihh'ujuk geenjit iisrit ts'at chit nilii** – Nji khau chit kat goo Srii Tsoo Kauk'it chit kat jii gwitr'it gwizhit dagwiheedyaa digehdeenjaa geenjit dagwidu'e' goo'au.
- **Gwitr'it gwi'dineht'ee' gwits'an ahtsu geenjit jilch'ei kat** – Juk gwitr'it gwi'dineht'ee' gwits'an ahtsu geenjit jilch'ei kat ihlak gwizraih goonlih, jii t'at Nan kak khau nihh'ujuk t'idich'uu eenjit gwits'at k'adagwidaadhat kat gunlih.

3.4 Nits'oo Nikhwinagoo'ee Gwizhit Tr'igwahnah'aa Geenjit Goo'au

Jii gwitr'it gwaatsii gwitagwinyaanch'uu ejuk nilii gwik'ii'ghe' jii gwizhit gugwinah'in geenjit jilch'ei kat jii nikhwinagoo'ee gwizhit gugwinah'in dai' nits'oo gwitr'it gwahahtsaa gwinjik gwizhit gugwahnah'ah.

Nikhwinagoo'ee gwizhit tr'igwinah'in dai' jii gwinjik akoo digwiheedyaa:

- Jii gwitr'it gwi'dineht'ee' ts'at tr'oochit gwizhit gwinah'in geenjit gwidinithit'oo guuts'an gahtsih (nikhwinagoo'ee gwizhit tr'igwinah'in gitr'igwii'au)
- Jii gwitr'it k'ii'ghe' dagwiheenjaa geenjit gwizhit gugwinah'in.
- Gwitr'it gwahtsui jii gwitr'it geenjit tthak gwehdineet'oo vitr'ahnuh.
- Gwindoo geenjit agoodahkat.
- Yaa'at ch'ii'an gwiheelyaa gwiinudhan ji' gwizhit gugwahnah'aa ts'at nits'oo k'ii'it tr'igwahahtsaa gehdeenjah, uu'ok t'anunch'uu kat, kauk'it gwizhit t'anunch'uu kat ts'at juudin gahdandau jii geenjt gwits'at tr'itheendal.
- Nits'oo jii gwitr'it tr'ahahtsaa ejuk natr'igwahahtsaa ts'at duuleh guk'andeht'ahnahtyaa geenjit ganunji'tr'adhat.
- Jii gwitr'it tr'ahahtsaa geenjit dagwiheedyaa duuleh nihh'ujuk guunjuu jii gwiyezhak geenjit gwidinithit'oo:
 - o Gwik'it gwiheelyaa
 - o Gwik'it gwiheelyaa ts'at jii gwitr'it k'ii'ghe' yaa'at ch'ii'an gwiheelyaa ji' k'ii'it tr'igwahahtsaa goo guk'andeht'ahnahtyaa
 - o Akwa' dugahnuu
 - o Nikhwinagoo'ee yaa'at ch'ii'an goonlii geenjit gugwinah'in kat gwindoo gwizhit gugwahnah'ah tr'igwahahtsah




Figure 2: Gwizhit tr'igwinah'in geenjit jilch'ei kat dagiheedya'aa geenjit goo'au

3.5 Nikhwinagoo'ee Gwizhit Tr'igwahnah'aa Gitr'igwii'au

Jii gwizhit gugwinah'in geenjit jilch'ei kat nikhwinagoo'ee gwizhit tr'igwahnah'aa gitr'igwii'au danh' at'at gugwinii'au geenjit jii gwitr'it gwaatsii kat ts'at juudin gwizhit nilii kat guuvah gugwaandak.

Jii gwitr'it t'agwah'in gwizhit gugwinah'in gwi'dinehtl'ee jii gwizhit gugwinah'in eenjit jilch'ei kat guuts'an gugwitsah t'ee uu'ok t'anunch'uu kat ts'at nihnehchi' eenjit jilch'ei kat jii gwizhit vidili' guunidhan geenjit guutr'oodahkat.

3.6 Nikhwinagoo'ee Geh'ok Gwitr'it Gugwahtsih

Jii gwizhit gugwinah'in eenjit jilch'ei kat jii gwitr'it k'inghe' yaa'at ch'ian gwiheelyaa jii Nagwìchoonjik Gwinagoo'ee geh'ok nanh' kak t'igwiheenjaa geenjit gwizhit gahnah'ah, jii ezhi nanh' kak t'at Nunavut, Ineekan nanh' kak, Yukon ts'at Alberta gwa'an. Juu digoonch'uu ji' jii gwizhit gugwinah'in geenjit jilch'ei kat juudin geenjit chit nilii jii geenjit guuts'at gigiheekhyaa ts'at gwizhit vidili' guunidhan ji' geenjit guguwadahkat.

3.7 Gwitr'it Geenjit Dineht'eh Uu'ok Tthak Tr'ahnah'aa Geenjit Gahtsah

Gwitr'it gwizhit tr'igwinah'in geenjit dineht'eh kat tthak jii dineht'eh k'atr'inahtii gwizhit goo'aih. Tr'oochit gwizhit tr'igwinah'in geenjit gwidinithit'oo, gugwin'ee gwinjik gwitr'it t'agwaa'in gwidineht'ee', gwitr'it geenjit tr'ulee tr'igwahtsii gwidineht'ee', gwitr'it gwaatsii gwizhit tr'igwinah'in gwi'dineht'ee', jidii tthak geenjit gugwidint'oo jii nihh'ujuk geenjit jilch'ei kat ts'at uu'ok t'anunch'uu kat guuts'an gwiltsaii, jidii tthak geenjit gwidinithit'oo kagigukhii, hnatr'aadal geenjit gwidinithit'oo, gwizhit gugwinah'in geenjit jilch'ei kat nits'oo dagwiheech'aa ginuu gwi'dineht'ee', jii kat tthak jii dineht'eh k'atr'inahtii gwizhit goo'aii. Srii Tsoo Kauk'it gwizhit jii gwizhit gugwinah'in geenjit jilch'ei kat gwideek'it goo'aii danh' jii dineht'eh kat tthak k'atr'inahtii. Aii geeghee ts'at jii uitsii vizhit atr'idant'oo gwizhit jii gwitr'it geenjit dineht'eh uu'ok tthak tr'ahnah'aa goo'aih guu website t'at mveirb.nt.ca aii ts'at "Public Registry" gwiyezhak gwahnoh'ah.

Jii gwizhit gugwinah'in geenjit jilch'ei kat gwitr'it gwizhit gugwinah'in t'ee daguinidhan geenjit gugwidint'oo ts'at jii t'agahdahch'aa geenjit gwizraih gwizhit goo'aih. Jii geenjit tr'igukhii guuzhik goo gwik'it goodlit t'ee dineht'eh ezhik nitr'uinlii hah gwizhit nilih kwah. Jii dineht'eh uu'ok eenjit gwidinithit'oo ghde'gidichii t'ee ts'at jii gwizhit gugwinah'in guuzhik jii dineht'eh guuts'an tr'ahtsaii ji' gwitr'it geenjit dineht'eh tr'ahnah'aa k'atr'inahtii gwizhit heelyah kwah. Jii dineht'eh k'eejit k'atr'ilik kak gugwahnah'ah kwaa chan gwizhit tr'igwahnah'aa ji' gwizraih t'agahdahch'ah. Jii geenjit gwuyeeendoo gahvidandai' nohthan ji' jii nikhwinnagoo'ee gwizhit tr'igwinah'in geenjit

gwidinithit'oo gwizhit gwinnoh'inh'. Section 3.7 danh' gwitr'it geenjit dineht'eh tr'ahnah'aa ts'at uu'ok t'anunch'uu geenjit gwidinithit'oo gwizhit goo'aih.


Gatr'igukhii kwaa geenjit gwidinithit'oh
– Yeenoo nits'oo tr'igwindai' gwizhit tr'igwinah'in ts'at nihh'nehch'i' vatr'ighe' guunji ji' jii gwizhit gugwinah'in geenjit jilch'ei kat jii geenjit gatr'igiheekhyah kwaa ts'at duuyeh gwit'atr'jahch'uh. Jii kat gwitr'it geenjit dineht'eh zhit nitr'igwihee'ah ts'at uu'ok geenjit tr'igwidint'oo guk'atr'inahtii duuyeh gwizhit nitr'uinlii. Jii gahgwiheedandaih kwaa nits'oo k'atr'ahnahtyaa geenjit jii gwizhit gugwinah'in geenjit jilch'ei kat guuveenjit dagwidedekhan gwinjik gwitr'it gahahtsaa gwi'dineht'ee' gwizhit jii geenjit gwidinithit'oh. Jii nikhwinnagoo'ee yaa'at ch'ii'an gwiheelyaa gwizhit tr'igwinah'in gwi'dineht'ee' gwizhit jii gahgwiheedandaih kwaa ts'at yeenoo nits'oo tr'igwindai' section 2 danh' jii tthak gwahnoh'ah.



Jii Archie t'unch'uh. Nagwicheonjik gwinagoo'ee ejuk goonlu gwizhit tr'igwinah'in eenjit nijilzhii kat eenjit gwitr'it t'agwah'ih. Uu'ok kat jii nikhwinagoo'ee gwizhit tr'igwinah'in geenjit guadahkat. Nijin jii Nagwicheonjik gwinagoo'ee gwa'an gwitr'it gwahaatsaa gwunudhan dai' nikhwinan, nikhwitseed-hoo ts'at yeenoo nits'oo tr'igwundai' k'atr'ahnahtyaa geenjit jùu didi'ih.




Gwitr'it gwichih tr'oochit gwizhit tr'igwinah'in t'ee nan ts'at chuu k'andehtr'inahtii eenjit jilch'ei kat Archie gwitr'it hahtsaa vits'an gahtsih..



Gwitr'it gwahaatsaa gwichih dagoonch'uu geenjit Archie gwizhit gwinah'ih. Jii gwitr'it k'ughe' duuleh ejuk gwiheelyaa gwizhit gwinah'in k'ughe' dagwiheech'aa geenjit gwuyeendoo gahdandaii.



Jii gwitr'it gwahaatsaa gwa'an t'anunch'uu kat jii gwitr'it k'ughe' guunagoo'ee dagwiheen-jaa gahgidandaih. Dagwiheedyaa'aa geenjit Archie guuts'at gikhih.




Jii gwitr'it k'ughe' duuleh dagwiheenjaa geenjit Archie duits'at gikhe' t'ee nits'oo jii yaa'at ch'u'an gwiheelyaa k'u'it gugwahaatsaa geenjit ganunji'heedhat.

D11nagoo'ee gwizhit tr'igwinah'in Archie geenjit gwitr'it t'agwah'ih



Jii gwitr'it k'ughe' nits'oo nikhwinan, nikhwitseedhoo ts'at yeenoo nits'oo tr'igwindai' ejuk gwiheelyaa geenjit Archie gwizhit gwahnah'ah.



At'at nits'oo gwitr'it t'agwah'in kat jii gwitr'it k'ughe' yaa'at ch'u'an gwiheelyaa k'u'it gugwa-hahtsaa geenjit Archie gwizhit gwahnah'ah.



Jii tthak t'ee Archie nikhwinagoo'ee gwizhit gwinah'in geenjit gwidint'oh. Jii dineht'eh gwizhit Archie vigwitr'it tthak geenjit gwidinit'oh.



Jii nikhwinagoo'ee gwizhit gwinah'in gwi'dineht'ee' ts'at dagwiheedyaa'aa gwiinidhan jii D11jii Zhuh eenjit iisrit ts'at chit kat jii dineht'eh Archie guuts'at ninaazhik. Dagwiheedyaa'aa jii gwiye-zhak gwidinit'oh ihlak tr'ooheenda:

- gwitr'it gwahahtsaa geenjit ahà' dugahnuu
- gwitr'it gwahahtsaa gwichih ejuk natr'igwahahtsaa
- Gwiinzi nikhwinagoo'ee natr'igwahnah'aa
- Duuyeh gwitr'it gwahahtsaa dugahnuu

3.8 Gwitr'it Gwahaatsaa Gwizhit Gugwinah'inh'

Gwitr'it gwizhit tr'igwahnah'aa t'at jii gwizhit gugwinah'in geenjit jilch'en kat gwitr'it gwahaatsaa gwizhit tthak gugwinah'in t'ee jidii srit gwiiyeendoo gwizhit gugwahnah'aa gehdeenjah. Gwitr'it k'ughe' nikhwinagoo'ee ejuk gwiheelyaa geenjit gwizhit tr'igwinah'in dai' jii gwitr'it gwahaatsaa guuzhik dagwiheedyaa tthak gwizhit gugwinah'ih.

3.9 Jidii Tthak Gwizhit Tr'igwinah'in

Jidii tthak gwizhit tr'igwinah'in t'at gwiiyeendoo gwiijunchii goonlii gwizhit gugwinah'in ts'at jidii gwiiyeendoo gwizhit gugwahnah'aa gahgidandaih; jii gugwinii'ee gwinjik gwitr'it t'igwaa'in gwi'dinehtl'ee' gwinjik digigwitr'it gugwahaatsaa geenjit juu digidi'ih. Jidii tthak gwizhit tr'igwinah'in dai' nits'oo gwuidandai, nits'oo tseedhoh tr'idaatsii ts'at yeenoo nits'oo tr'igwiindai' geeghee ts'at nikhwinagoo'ee gwa'an tthak gwizhit gugwinah'ii.

Jii gwizhit gugwinah'in geenjit jilch'en kat jidii tthak gwizhit gugwinah'in dai' jii gwiyezhak gwidinithit'oo geenjit nijnj'gadhat:

- Tr'oochit gwizhit gugwinah'in geenjit gwidinithit'oo
- Gwitr'it nihk'it t'igwidich'uu k'ughe' yaa'at ch'ii'an goonlii
- Gwitr'it gwahaatsaa gwa'an nan iisrit ts'at guk'andehtr'ahnahtyaa
- Gwitr'it gwahaatsaa kat diiyah gígíkhii danh' dagwinuu
- Gwizhit gugwinah'in dai' jidii geenjit tr'igíhe' goo ganunji'tradhat geenjit guuts'at tr'igwidint'oh

Ganunji'tradhat nihhnehch'í' gwizhit

tr'igwinah'in eenjit hnagaadal – Jii gwizhit gugwinah'in geenjit jilch'en kat diiyah hnagaadal. Lígíjil t'ee jii geenjit gwitr'it t'agwah'in ihlee geenjit gwidinithit'oo ts'at aii gwitr'it geenjit dineht'eh tr'ahnah'aa k'atr'inahtii gwizhit nigugwii'arii aii ts'at jii gwizhit gugwinah'in geenjit jilch'en kat gugwahnah'ah.

Dagwidí'in geenjit diiyah tr'igwaandak –

Jii gwizhit gugwinah'in geenjit jilch'en kat nits'oo gwitr'it gwahaatsaa gwizhit gugwinah'in gwiiyeendoo gwizhit gugwahnah'aa gugwiitsaih. Jii loo nikhwinagoo'ee gwizhit tr'igwinah'in gwi'dinehtl'ee' gwizhit goo'aih kwah. Yeenoo ts'at yeendoo nikhwinagoo'ee gwizhit tr'igwinah'in geenjit juk gwiijunchii goonlii.

3.10 Gugwinii'ee Gwinjik Gwitr'it T'agwahah'aa Gwi'dinehtl'ee' Tr'ahtsii ts'at Gwitr'it Geenjit Tr'ílee Tr'igwahtsih

Jii gwitr'it gwaatsii kat digigwitr'it gwizhit gugwinah'in geenjit gwidinithit'oo jidii srit gwizhit heelyaa aii gugwinii'ee gwinjik gwitr'it t'agwahah'aa gwi'dinehtl'ee' gwizhit nilih.

Gwitr'it gwahtsii kat dagiheedyaa'aa geenjit goo'arii jii gwiyezhak gwidinithit'oh:

- Gwitr'it guuzhik dagiheedyaa'aa tthak geenjit diiyah gugwahaandak

- Gwitr'it gwahahtsaa gwinagoo'ee geenjit duyah gugwahaandak (loo nikhwinagoo'ee gwa'an gwindau tthak gwizrah gwizhit goo'aih kwah – au geeghee ts'at kauk'it gwizhit nits'oo nihkha datthak tr'igwindau gwizhit goo'aih)
- Gwitr'it k'ughe' duuleh yeendoo yaa'at ch'u'an gwiheelyaa guunudhan geenjit gwizhit gugwahnah'ah
- Nits'oo yaa'at ch'u'an gwiheelyaa k'u'it gugwahahtsaa geenjit gwizhit gugwahnah'ah
- Jii gwitr'it k'ughe' yaa'at ch'u'an gwiheelyaa duuyeh gukwaa nagugwahtsui geenjit duyah gugwahaandak

Nits'oo jii nikhwinagoo'ee gwizhit tr'igwahnah'aa jii gwitr'it geenjit tr'ulee tr'igwahtsui gwizhit nilih. Nikhwinagoo'ee gwizhit gugwinah'in danh' jidu guuveenjiti gwijunchii goonlii ts'at dahshuk gwiheedhaa jii gwitr'it geenjit tr'ulee tr'igwahtsui gwizhit nilih. Nikhwinagoo'ee tr'igwinah'in dai' gwitr'it nihnehch'i' didich'uu gwizhit gugwinah'in k'ughe' jii gwitr'it geenjit tr'ulee tr'igwahtsui ejuk natr'igwahtsih. Jii tr'igwidintl'oo ts'at gwitr'it geenjit tr'ulee gugwahtsui datthak tr'igwahnah'aa gugwahtsui tl'ee gwitoh gwiheedhaa.

3.11 Gwitr'it T'agwah'in Kat Guudineht'ee Tr'ulee Gugwahtsih

Jii gugwinu'ee gwinjik gwitr'it t'agwahah'aa gwi'dineht'ee tr'aktsau ts'at gwitr'it geenjit tr'ulee tr'igwihtsui tl'ee jii gwitr'it t'agwah'in kat guudineht'ee tr'ahnah'aa geenjit srii t'inyaanch'uu kagugwahnah'ah. Jii gwizhit tr'igwahnah'aa geenjit gaoniltin kat guunudhan ji' gwindoo leii jii gwitr'it geenjit guuheenda.

Au guuzhik jii gwitr'it t'agwahah'aa kat digigwitr'it gwizhit gwinah'in geenjit gwidantl'oo

tr'ulee gugwahtsui ts'at jidu tthak gwizhit heelyaa lahch'uhah gwizhit nilii geenjit gugwinah'inh'.

Jii gwitr'it t'agwahah'aa geenjit dineht'eh t'at jii gwitr'it t'igwah'in kat jidu geenjit ganunji'gadhat geenjit jii gwiyezhak goo'aih:

- **Yaa'at ch'u'an goonlii gugwinah'inh' –** Nikhwinagoo'ee gwa'an gwijunchii goo'au ts'at dinjii kat guuveenjiti duuleh yaa'at ch'u'an gwiheelyaa guunudhan
- **Gwitr'it k'ughe' duuleh yaa'at ch'u'an gwiheelyaa guunudhan –** Gwitr'it k'ughe' duuleh yaa'at ch'u'an gwiheelyaa
- **Gwijunchii goonlii –** Gwitr'it k'ughe' dagwahchii yaa'at ch'uan goonlii
- **K'u'it tr'igwahtsui –** Nikhwinagoo'ee gwizhit gwitr'it k'ughe' yaa'at ch'u'an gwiheelyaa jii gwitr'it t'agwah'in kat nits'oo k'u'it gugwahahtsah
- **Nits'oo tagwidhat datthak gwizhit gugwinah'in –** Juk ts'at yeenoo gwitr'it datthak k'ughe' nits'oo tagwijudhat ts'at duuleh t'igwiheenja guunudhan

3.12 Jidu Tthak Gwizhit Goo'au Geenjit Gwizhit Gugwinah'in

Njin gwitr'it t'agwah'in kat digigwitr'it gwizhit tr'igwinah'in gwi'dineht'ee gwihts'au gahtsui jii gugwinu'ee gwizhit jidu guunudhan gwizhit goo'au geenjit kagugwinah'inh'. Dineht'eh kak jidu tthak goo'aih kwaa ji' jii gwizhit gugwinah'in geenjit jilch'eu kat gwindoo dagwiheech'aa gahgwiheedandau gugwahahtsaa.

3.13 Jiduu Tthak Gwizhit Tr'igwinah'in

Jiduu tthak gwizhit tr'igwinah'in dai' jii nihkwinagoo'ee gwizhit gwinah'in kat ts'at juudin gahdandaan kat jii gwitr'it t'agwahah'aa gwi'dineht'ee gwik'it t'igwinudhan ji' geenjit gugwinah'in.

Yaa'at ch'u'an gwiheelyaa ts'at duuleh k'u'it tr'igwahtsaa geenjit tthak gwik'it t'igwinudhan gugwahnah'aa geenjit jii gwizhit gwinah'in eenjit jilch'eu kat tthak nihkhah hnatr'ahaadal gugwahahtsah. L'nagaadal danh' jii gwizhit gwinah'in kat dagwinudhan ts'at jiduu tthak ganunji'gadhat geenjit gigiheekhyaa au ts'at jii gwitr'it k'ughe duuleh yaa'at ch'u'an gwiheelyaa k'u'it tr'igwahahtsaa dagwiheedya'aa geenjit gigiheekhyah.

L'nagaadal danh' jii nihh'ujuk nunji'adhat kat geenjit gigiheekhyah ts'at nihk'it t'igwinineezhah gwits'at tthak gigiheekhyah. Tthak gwizhit gugwinah'in ndoo nyaa'ai' t'ee dagwiheedya'aa gunudhan geenjit gugwehdineet'oo ts'at dagwinudhan ts'at jaadeh akoo digwinudhan jii dineht'eh gwizhit geenjit gugwehdineet'oh. Jii dineht'eh ginjih vi'gwidhan zhit tr'igwehdineet'oh.

Jii gwizhit gugwinah'in geenjit jilch'eu kat jii srut'inyaanch'uu kat nihk'it t'igwinineezhaa geenjit hnatr'aadal geh'ok gigiheekhyaa gunudhan. Juu digwidi'in dai' geenjit gugwehdineet'oo ts'at jii gwitr'it gwizhit gugwinah'in gwi'dineht'ee gwizhit gwihee'ah.

3.14 Dagwidi'in Geenjit Agoodahkat

Dagwidi'in geenjit agoodahkat dai' gwitr'it t'agwah'in kat ts'at nihkhah jilch'eu kat gwindoo jii gwitr'it geenjit gahgwiheedandaan geenjit agoodahkat. Jii gwizhit gugwinah'in geenjit jilch'eu kat jiduu ganunji'gadhat geenjit aguudahkat goo' izhuu kat chan aguuhadahkat gwik'it guuveenjit gugwahtsih. Jii gwizhit gugwinah'in geenjit jilch'eu kat nits'oo aguuhadahkat geenjit gwidinithit'oo gwinjik aguuhadahkat gidi'in. Jii nihkwinagoo'ee gwizhit tr'igwinah'in gwi'dineht'ee gwizhit geenjit gwidinithit'oh.

Jii gwizhit gugwinah'in kat jii gahgwiheedandaan guukatr'igukhu gwizhit nilii ji' duuyeh gwits'an gahtsih :

- Jii gwitr'it t'agwahah'aa geenjit atr'oodahkat gwizhit nilii kwaa
- Jii atr'oohadahkat loo gwik'it goonlih kwaa
- Jii gwitr'it t'agwahah'aa geenjit atr'oodahkat gwizhit nilii kwaa
- Nihkhan atr'oodahkat loo gwik'it goonlih kwaa

Jii nihkwinagoo'ee gwizhit tr'igwinah'in guuzhuk duuleh nihh'ujuk gahgwiheedandaan gunudhan geenjit agoodahkat nijin gunudhan danh' akoo digwiheedya'ah.

Nijin jii gwitr'it geenjit gahgwiheedandaan gwits'an gahahtsaa t'at jii gwitr'it geenjit tr'ilee tr'igwihtsaa gwizhit geenjit gwidinithit'oh.

3.15 Atr'oohadhahch'aa Geenjit Ħnatr'aadal

Jii gwizhit gugwinah'in geenjit jilch'eu kat nijin atr'oohadhahch'aa geenjit Ħnatr'aadal ġuunidhan danh' akoo digwiheedyah. Atr'oohadhahch'aa geenjit Ħnatr'aadal gwizhit dagwidu'ii geenjit jii gwiyeeshak gwidinithit'oh:

- **Nihh'ejuk gwizhit tr'igwinah'in geenjit atr'oodhahch'eu** – Jii gwitr'it gwizhit tr'igwinah'in ġitr'igwin'au danh' jii gwitr'it t'agwahah'aa srit'inyaanch'uu kat ts'at uu'ok t'anunch'uu kat nihh'ejuk gwizhit loo hah tr'igwahnah'aa ġuunidhan gwi's'an gahtsih. Jii gwizhit gugwinah'in eenjit jilch'eu kat atr'oohadhahch'aa geenjit Ħnatr'aadal gwizhit ġuunli. Geetak Ħnagaadal gwiintsal gugwahtsih. Jii gwizhit gugwinah'in geenjit jilch'eu kat jii Ħnatr'aadal gwiintsal gwahtsu dai' neegadada kwah.
- **Uu'ok atr'oohadhahch'aa geenjit Ħnatr'aadal** – Jii gwizhit tr'igwinah'in ndoo nyaa'ai' gwichi' Ħnagaadal ts'at gwitr'it t'agwahah'aa kat ts'at juudin gwizhit nili kat jii gwitr'it geenjit ġiġġkhih. Uu'ok atr'oohadhahch'aa geenjit Ħnatr'aadal geetak gwiinchi goo geetak kauk'it gwizhit gwizraih Ħnatr'aadal. Jii gwizhit gugwinah'in geenjit jilch'eu kat shik tthak atr'oohadhahch'aa danh' gwizhit ġuunli.
- **Atr'oohadhahch'aa geenjit gwidinithit'oo** – Sri t'inyaanch'uu kat nits'oo dagwiheedyah'aa ts'at jidi ġanuunji'gwidhat geenjit gwidinithit'oo jii gwizhit gugwinah'in geenjit jilch'eu kat ts'an gahtsih

Atr'oohadhahch'aa geenjit datthak

nitr'ijaa – Jii atr'oohadhahch'aa tr'igwahtsu dai' jii gwizhit nili datthak hah Ħnatr'aadal. Jii dagwidedakhan gwinjik gwitr'it t'agwaa'in section 4 danh' geenjit gwidinithit'oo tr'igwahnah'ah.

Kauk'it gwizhit atr'oohadhahch'aa –

Gwizhit gugwinah'in geenjit jilch'eu kat kauk'it gwizhit t'anunch'uu ġuuhadhahch'aa geenjit ġuuvah Ħnatr'aadal. Jii dagwidedakhan gwinjik gwitr'it t'agwaa'in section 5 danh' geenjit gwidinithit'oo tr'igwahnah'ah.

Jii gwizhit gwinah'in eenjit jilch'eu kat Ħnatr'aadal gwizhit ġivihkha' gwiunidhan ji' jii nihkhah jilch'eu kat gwichi akoo digehdeenjah. Au geeghee juudin ġivihkha' nuidhan kat jidi geenjit ġiġiheekhaa dineht'eh kak gugwehdineeht'oo ts'at ġuuts'an gahahtsaa gwik'ighe' tthak jii geenjit tr'ilee gugwahahtsah. Duyah ġigahaadaa gwichi jii utsu vakak atr'adant'oo kak guu website kak gwihee'ah.

Ħitr'ahaadaa gwichi dagwiheedyah'aa geenjit nihkhah ġiġġkhih. Jii atr'oohadhahch'aa geenjit Ħnatr'aadal gwichi datthak jidi geenjit ġanuunji'gadhat geenjit ġaġiġiheekhaa ts'at tthak nihk'it gwiunidhan gugwahahtsah.

3.16 Nìkhwinagoo'ee Gwizhit Tr'igwinah'in Geenjit Tr'igùkhii Ts'at Tr'ilee Gugwahtsih

Jii gwizhit gwinah'in eenjit jilch'ei kat jidii tthak geenjit nuiji'gadhat t'ee uu'ok gwi'dinehtl'ee ihde'gidichii gugwahtsih. Jii gide'tr'ehdeechaa gwichih tth'aih hee duuleh agoodahkat.

Jii gatr'igùkhii guuzhik jii gwizhit gwinah'in eenjit jilch'ei kat jii gwiyezhak gwits'at ihlak guuheenda:

- Gwitr'it t'agwah'in kat nits'oo gwitr'it gahahtsaa ginuu ts'at jii gwizhit gwinah'in digwiheedyaa ginuu gwizhit heelyaa jii gwizhit gwinah'in kat geenjit aha' dugahaanjah
- Gwitr'it t'agwah'in kat nits'oo gwitr'it gahahtsaa ginuu ts'at jii gwizhit gwinah'in digwiheedyaa ginuu gwizhit heelyaa aii geeghee ts'at chan yaa'at ch'ii'an gwiheelyaa ji' k'ii'it gahahtsaa jii gwizhit gwinah'in kat geenjit aha' dugahaanjah
- Gwitr'it gwihee'aa gwichih nìkhwinagoo'ee gwizhit tr'igwahnah'aa tr'igwahahtsah
- Gwitr'it k'ughe' yaa'at ch'ii'an gwiheelyaa ts'at duuyeh k'ii'it tr'igwahtsü dai' duuyeh gwitr'it gahahtsaa dugahaanjah

Jii gwizhit gwinah'in kat nìkhwinagoo'ee gwiinzi guk'atr'ahnahtyaa geenjit duits'at trigùkhii ts'at yeenji' usrit ts'at chit kat jii geenjit guuts'at gùgùkhii.

Dagwiheedyaa'aa gwiinudhan dugahnuu –
Gwizhit gwinah'in kat dagwiheedyaa'aa geenjit yeenji' usrit ts'at chit guuts'at tr'igùkhii. Gwitr'it k'ughe' yaa'at ch'ii'an gwiheelyaa k'ii'it tr'igwahahtsaa ts'at yeendoo duuyeh nìkhwinagoo'ee gwa'an yaa'at ch'ii'an gwiheelyaa geenjit dagwiheedyaa'aa gwiinudhan dugahnuh.

Nijin jii gwizhit gwinah'in kat dagwiheedyaa'aa gahgidandau nìkhwinagoo'ee gwizhit gwinah'in gwi'dinehtl'ee' gahtsih. Jii dinehtl'eh gwizhit dagwiheedyaa'aa ts'at nits'oo juu digwiheedyaa'aa gwiinudhan geenjit gwidinithit'oh. Jii dinehtl'eh t'at dinji zhuh eenjit chit kat, Nan kat tthak khau nihh'ujuk t'idich'uu eenjit gwits'at k'adagwidaadhat kat aii ts'at gwitr'it gwahahtsaa guuts'an gahtsih. Jii nìkhwinagoo'ee gwizhit tr'igwinah'in gwi'dinehtl'ee' t'at jii gwitr'it geenjit dinehtl'eh tr'ahnah'aa gwizhit chan gwihee'ah.

3.17 Yeenji' Chit Kat Dagwiheedyaa Gwiinudhan

Yeenji' dinji zhuh eenjit chit kat jii nìkhwinagoo'ee gwizhit tr'igwinah'in gwi'dinehtl'ee' t'at jii usrit ts'at chit nihh'ujuk geenjit nìlii kat guuts'an gahtsih

Jii gwizhit gwinah'in eenjit jilch'ei kat gwitr'it gwahahtsaa goo gwitr'it gwahahtsaa kwaa ginuu ji' jii usrit ts'at chit nihh'ujuk geenjit nìlii kat jii gwiyezhak duuleh digidi'in:

- Jii gwizhit gwinah'in eenjit jilch'ei kat daginuu

guuheendal

- Jii gwizhit gwinah'in eenjit jilch'ei kat chan gwizhit gugwahnah'aa geenjit guuts'an gahahtsaa
- Nits'oo gwitr'it gwahahtsaa geenjit gwidinithit'oo ejuk tr'igwahahtsaa geenjit guuvah hgaadaa ts'at juu digwiheedya'aa gehdeenjah:
 - o Daguuu guuheendal ts'at ejuk natr'igwahahtsaa
 - o Daguuu guuheendal kwaa ts'at gwiinzii nikhwinagoo'ee natr'igwahnah'aa gahahtsah

Ejuk natr'igwahahtsaa geenjit diits'at tr'igukhii – Jii t'at jii gwizhit gwinah'in eenjit jilch'ei kat daginuu ejuk natr'igwahahtsaa geenjit jii usrit ts'at chit nihh'ejuk geenjit nilii kat ts'at geetak nan kak tthak khau nihh'ejuk t'idich'uu eenjit gwats'at k'adagwidaadhat kat nihkhah gigeekhyaa

3.18 Nikhwinagoo'ee Tr'igwinah'in Ndoo Nyaa'ai' Tr'igwahtsih

Isrit ts'at chit nihh'ejuk geenjit nilii kat ts'at Nan tthak khau nihh'ejuk t'idich'uu gwats'at k'adagwidaadhat kat jii nikhwinagoo'ee tr'igwinah'in gwi'deneht'ee' kak gugwinah'in aii t'ee gwiinzii nikhwinagoo'ee natr'igwahnah'aa ginuu ji' at'at jii nikhwinagoo'ee tr'igwinah'in ndoo nyaa'ai'.

SECTION 4:

GWIIINZII NIKHWINAGOO'EE NATR'IGWINAA'IN

4.1 Gwiyeechih Nitr'igwinii'au

Jii Nagwichoonjik Gwinagoo'ee gwa'an gwiinzii nikhwinagoo'ee natrigwinah'in t'at jii nikhwinagoo'ee ejuk goonlii tr'igwinah'in gwizhit at'at ndoo gwinyaa'ai'. Gwizhit tr'igwinah'in eenjit jilch'ei ejuk nilii gwizhit gugwahnah'aa ts'at jii diinagoo'ee tr'igwinah'in adai' hee geenjit gwitr'it gwiltsau gwizhit heelyah.

Dagwidi'in ginuu – Juk gweendoo nikhwinagoo'ee gwizhit tr'igwinah'in geenjit gwiyeendoo gahgwidaandah kwah. Jii gwizhit gwinah'in eenjit jilch'ei kat nikhwinagoo'ee gwizhit gugwinah'in geenjit gwiyeendoo gahgidandau k'uighe' ejuk gugwahtsui ts'at jii Nikhwinagoo'ee ejuk goonlii tr'igwinah'in gwi'dineht'ee' gwizhit tr'igwahnah'ah.

4.2 Gwizhit Tr'igwinah'in Kat Guuveenjit Diiyah Gugwaandak

Gwizhit tr'igwinah'in geenjit jilch'ei kat t'at jii Nagwichoonjik gwinagoo'ee ejuk goonliigwizhit tr'igwinah'in eenjit nijlzhii kat k'it dunch'uh. Duuleh diiyah hgaadaa, juudin gwizhit heelyaa diigahnuu, nikhwinagoo'ee gwa'an yaa'at ch'ii'an

gwiheelyaa dagwiheechii nits'oo k'ii't
tr'igwahahtsaa dugahnuu aii ts'at dagwiheedyaa
dugahnuu.

Jii Nagwichoornjik gwinagoo'ee ejuk
goonlugwizhit tr'igwinah'in eenjit nijilzhuu kat
juudin jii gwizhit tr'igwinah'in geenjit jilch'ei
gwizhit heelyaa guunjih. Jii gwizhit tr'igwinah'in
geenjit jilch'ei kat geenjit tik guunjih aii ts'at
ihlak chit nilii. Jii Nagwichoornjik gwinagoo'ee
ejuk goonluu gwizhit tr'igwinah'in eenjit nijilzhuu
kat gwats'at duuleh jii gwizhit heelyaa geenjit
guunjih. Nijin gwitr'it gwahahtsaa k'eejit goonluu,
geenjit gahgwidandau kwaa, yeenoo dai' nits'oo
tr'igwinda' gahgwidandau guunidhan, gwizhit
tr'igwahnah'aa geenjit gahgwidandau kwaa ts'at
izhuu gwits'an gahtsuu jii tthak k'ighe' duuleh
juudin gwiiyeendoo gaoniltyin jii gwizhit guuvah
heedyaa geenjit guuheenda.

4.3 Nkhwinagoo'ee Gwizhit Tr'igwinah'in Dai' Dagwiheedyaa

Jii nkhwinagoo'ee ejuk goonluu tr'igwinah'in ts'at
jii dunagoo'ee tr'igwinah'in gwinjik nihk'it
t'igunch'uh.

Gwizhit tr'igwinah'in eenjit jilch'ei kat jii
gwiyeezhak gwidinithit'oo geenjit
ganunji'giheedhat:

- Jidii geenjit gwitr'it gwahahtsaa
- Nits'oo gwitr'it gwahahtsaa ejuk
natr'igwahahtsaa
- Gwitr'it k'ighe' nits'oo ejuk gwiheelyaa
- Gwitr'it k'ighe dagwahchii ejuk gwiheelyaa
- Datthak dagwinuu
- Yaa'at ch'ii'an gwiheelyaa nits'oo k'ii't
tr'igwahahtsaa

- Jii gwitr'it k'ighe' ejuk goonluu ts'at geenjit
dits'at tr'igiheendal
- Yeendoo nits'oo dinju kat nan t'agahdahch'aa
(duuleh vadzaih eenjit nagihaazrii)
- Nkhwinagoo'ee gwizhit tr'igwinah'in eenjit
jilch'ei kat ts'at yeenji' usrit ts'at chit kat
gwiiyeendoo gwijiunchii geenjit ganunji'gadhat

Jii gwizhit gwinah'in eenjit jilch'ei kat t'at
guugwitr'it t'igigwah'in dai' gwiiyeendoo gwunzii
gwitr'it gahahtsaa geenjit guunidhan.

4.4 Gwunzii Nkhwinagoo'ee Natr'igwinaa'in Gitr'igwii'au

Nijin jii nkhwinagoo'ee gwunzii natr'igwinaa'in
gugwahtsuu dai' gwitr'it geenjit dineht'eh
tr'ahnah'aa gugwahtsih.

Gut'ahdahch'aa gwunidhan ji' nkhwinagoo'ee
gwizhit tr'igwinah'in geenjit gwidinithit'oo jii
gwitr'it geenjit dineht'eh tr'ahnah'aa gwizhit
heelyah.

Nkhwinagoo'ee gwizhit natr'igwinaa'in
gitr'igwii'au danh' nkhwinagoo'ee gwizhit
gwinah'in eenjit jilch'ei kat duuleh nan izhuu ejuk
gwiheelyaa gwizhit gugwahnah'ah. Ejuk
gwiheelyaa ji' section 4.8 danh' dagwiheedyaa
geenjit gwidinithit'oh.

Nkhwinagoo'ee gwizhit tr'igwinah'in eenjit
jilch'ei kat tseedhoh ts'at gwitr'it t'agwah'in kat
guunidhan jii Dinju zhuh eenjit usrit ts'at chit nilii
kat geenjit guuvah gugwaandak. Jii gwizhit
jilch'ei geenjit chit ts'at geenjit gwitr'it
t'agwah'in heelyah. Jii Dinju zhuh eenjit usrit
ts'at chit guuts'at gigukhuu t'ee t'at gwizhit
jilch'ei kat ts'at eenjit chit heelyaa guunjih.

4.5 Gwizhit Gugwinah'in Eenjit Jilch'ei Kat Nits'oo Gwitr'it Gahahtsaa Eenjit Gwidinithit'oo

Gwizhit gwinah'in kat gugwinu'ee gwinjik gwitr'it t'igwaa'in gahtsih. Jii gugwinu'ee gwinjik gwitr'it t'agwahah'aa geenjit gwidinithit'oo t'at juudin gwitr'it gwahahtsaa guu gugwinu'ee gwinjik gwitr'it gwahahtsaa geenjit gwidinithit'oo k'it dunch'uh kwah. Jii geenjit jilch'ei kat nikhwinagoo'ee gwizhit gugwinah'in guuzhik dagiheedya'aa geenjit gwidinithit'oo ts'at aii gwinjik digigwitr'it gugwahtsih. Iisrit ts'at chit kat ts'at nan eenjit chit kat hah gígííkhii t'ee jii gugwinu'ee gwinjik gwitr'it t'igwahah'aa gugwahtsih.

Jii gugwinu'ee gwinjik gwitr'it t'igwahah'aa geenjit gwidinithit'oo jidii gwizhit nilii jii gwiyezhak geenjit gwidinithit'oh:

- Nikhwinagoo'ee gwizhit tr'igwinah'in geenjit jilch'ei kat nits'oo tr'oonjii ts'at nits'oo gwitr'it gahtsih
- Nikhwinagoo'ee gwizhit dagwahchii tr'igwahnah'aa
- Gwitr'it gwahtsii kat nikhwinagoo'ee gwizhit tr'igwinah'in geenjit gugwidinuut'oo jii nikhwinagoo'ee gwizhit tr'igwinah'in eenjit jilch'ei kat nits'oo digigwitr'it gugwahahtsaa jii dineht'eh gwizhit niliih
- Uu'ok t'aninch'uu kat gwitr'it geenjit guuvah gagwihaandak
- Nikhwinagoo'ee gwizhit gugwinah'in dai' jidii kaguwahnah'aa geenjit gwidinithit'oo
- Uu'ok t'aninch'uu kat hah gígííheekhyaa ts'at guuvah lagahaadaa geenjit gwidinithit'oo
- Nikhwinagoo'ee gwizhit tr'igwinah'in geenjit jilch'ei kat nits'oo digigwitr'it gugwahahtsaa

geenjit gwidinithit'oo

- Jii nikhwinagoo'ee gwizhit tr'igwinah'in geenjit dineht'eh jidii gwizhit heelyaa
- Jii gwizhit gugwinah'in geenjit jilch'ei kat gwizhit gugwinah'in geenjit gwidinithit'oo nits'oo gwits'an gahahtsah

4.6 Gwizhit Tr'igwinah'in, Gwunuidhan Tthak Gwizhit Nilii Kagugwinah'in, Diiyah Linatr'aadal ts'at Geenjit Tr'igukhii

Nikhwinagoo'ee gwitr'it k'ighe' ejuk gwiheelyaa natr'igwinah'in ts'at diinagoo'ee tr'igwinah'in nits'oo ejuk nilii geenjit jii gwiyezhak gwidinithit'oo:

- Nikhwinagoo'ee ejuk goonlii gwizhit tr'igwinah'in t'at jii gwizhit gugwinah'in eenjit jilch'ei kat gwizhit gugwinah'in ts'at Nagwichoornjik gwinagoo'ee ejuk goonlii gwizhit tr'igwinah'in eenjit nijilzhii kat gwizhit gugwinah'in kwah
- Gwitr'it gwahahtsaa kat nikhwinagoo'ee ejuk gwiheelyaa geenjit gwidinithit'oo gwits'an gahtsii ts'at digigwitr'it geenjit gwidinithit'oo gwits'an gahtsih kwah
- Gwizhit tthak gugwinah'in t'ee geenjit dineht'eh gahtsii ts'at gwizhit tr'igwinah'in gwi'dineht'ee' vitr'ahniiu ts'at nikhwinagoo'ee gwizhit tr'igwinah'in gwi'dineht'ee' vitr'ahniiu kwah

Nikhwinagoo'ee gwitr'it k'ighe' ejuk gwiheelyaa natr'igwinah'in ts'at diinagoo'ee tr'igwinah'in k'it dunch'uh. Nits'oo gwizhit gugwinah'in jii gwiyezhak geenjit gwidinithit'oo:

- Gwitr'it t'agwahah'aa ts'at jii gwitr'it geenjit nits'oo ganunji'tr'adhat gwizhit tr'igwinah'in
- Nikhwinagoo'ee ejuk gwiheelyaa gwi'dineht'ee, Gugwinu'ee gwinjik gwitr'it t'igwaa'in gwidineht'ee' ts'at nits'oo gwitr'it gwahahtsaa gwi'dineht'ee' tr'ahtsih
- Gwitr'it gwahtsii kat nikhwinagoo'ee ejuk gwiheelyaa geenjit gugwidint'oo
- Gwinudhan tthak gwizhit nilii kagugwinah'in
- Nikhwinagoo'ee ejuk gwiheelyaa gwi'dineht'ee' gwizhit gwinzii tr'igwinah'in
- Duyah hgaahadaa gwichih nihkhah tr'igukhiu ts'at uu'ok t'anunch'uu hah hnatr'aadal
- Dagwiheedya'aa dugahaanjaa gwinudhan ji' akoo digwiheedya'ah
- Gwizhit gugwinah'in eenjit jilch'eu kat geenjit gigiheekhyaa ts'at gwizhit gugwinah'in gwi'dineht'ee' gahahtsah

4.7 Nikhwinagoo'ee Gwizhit Tr'igwinah'in T'ee Dagwiheedya'aa Ginuh

Gwizhit gwinah'in geenjit jilch'eu kat dagwiheedya'aa ts'at jaghadee juu digwiheedya'aa gehdeenjah. Jii gwiyezhak gwidinithit'oo ihlak guuheendal ts'at aii gwinjik gwitr'it gwahahtsah:

- Gwitr'it k'ughe' yaa'at ch'ii'an gwiheelyaa k'ii'it tr'igwahahtsaa kwaa aii geeghee ts'at chan gwitr'it ndoo nyaa'ai' t'ee duuyeh gwizhit tr'igwahnah'aa geenjit aha' gehdeenjah
- Duuyeh gwitr'it gwahahtsaa gehdeenjah

4.8 Nihkhah Gwizhit Tr'igwahnah'aa Geenjit Gwizhit Gugwinah'ih

Jii Nagwichoonjik Gwinagoo'ee geh'ok gwitr'it gwahahtsaa goo nan ejuk gwiheelyaa gwinudhan ji' nihkhah gwizhit tr'igwahnah'ah. Dinju zhuh eenjit usrit ts'at chit kat duuleh jii gwitr'it geenjit nan kak tthak gahgwiheedandau gwinudhan ji' nihkhah gwizhit tr'igwahnah'ah.

Aii t'ee nikhwinagoo'ee gwizhit tr'igwinah'in eenjit jilch'eu kat nihh'ejuk hah gigiheekhyaa ts'at dagwiheedya'aa gehdeenjah. Aii Nagwichoonjik Khan Eenjit Gwitr'it Gwaatsii guugahnuu aii k'it jii nihkhah tr'igiheekhyaa gugwahahtsah. Jii gwizhit gwinah'in t'at Ineekee gwichit, Dinagoo'ee tr'igwinah'in eenjit jilch'eu kat ts'at Nagwichoonjik gwinagoo'ee ejuk goonlii gwizhit tr'igwinah'in eenjit nijilzhu kat nihkhah gighhe'.

4.9 Nihkhah Gwizhit Tr'igwahnah'aa Geenjit Gwitr'it Gwaatsih

Nikhwinagoo'ee ejuk goonlii tr'igwinah'in eenjit gwidinithit'oo gwizhit t'at nits'oo gwizhit tr'igwahnah'aa ginuh. Nihkhah gigiheekhyaa gitr'igwii'au danh' nits'oo jii nihhnehch'i' geenjit jilch'eu nihkhah gwitr'it gugwahahtsaa gehdeenjah. Nits'oo gwitr'it gwahahtsaa gahgidandau danh' uu'ok t'anunch'uu ts'at juudin jii geenjit ganunji'adhat geenjit guuvah gugwahaandak.

Jii gwitr'it k'ughe' datthak geenjit ganunji'tr'adhat ji' jii Canada gwizhit dinagoo'ee tr'igwinah'in geenjit gwidinithit'oo t'agahdach'aa ts'at aii gwinjik gwizhit gugwahnah'ah.

SECTION 5:

NDÒO NYAA'AI' TS'AT YEENDOO DAGWIHEEDYA'AA GEENJIT EJUK NATR'IGWAHTSIH

Jii Nagwichoonjik gwinagoo'ee ejuk gwiheelyaa gwizhit tr'igwahnah'aa geenjit dineht'eh tr'altsan gwinjik gwitr'it gwahahtsaa jii nikhwinagoo'ee ejuk goonlii tr'igwinah'in eenjit gwidinithit'oo gwizhit nilih. Nikhwinagoo'ee gwizhit tr'igwinah'in ejuk goonlii ji' jii Gwizhit gugwinah'in eenjit jilch'ei kat duuleh nits'oo nikhwinagoo'ee gwizhit tr'igwinah'in ejuk gahahtsah.

Jii Nikhwinagoo'ee ejuk goonlii tr'igwinah'in gwi'dineht'ee nohthan goo geenjit gwiyeendoo gahvidandar' nohthan ji' jii gwiyezhak guuts'at ginohkhih

Isrit Ts'at Chit

Nagwichoonjik Gwinagoo'ee Ejuk Goonlii Gwizhit Tr'igwinah'in Eenjit Nijilzhi Kat

PO Box 938

Suite 200, 5102-50th Ave

Srii Tsou Kaik'it, NT X1A 2N7

Aii geeghee ts'at chan istsu adant'oo gwizhit guu website gwinoh'inh jii gwiyezhak guu website goo'aih

mverb.nt.ca

Phone: 867-766-7050

Toll Free: 1-866-912-3472

SECTION 6:

DINEHTL'EH GWIZHIT JIDII NILII GEENJIT GWIDINITHIT'OO

Nikhwinagoo'ee ejuk goonlii tr'igwinah'in gwi'dineht'ee' gwizhit geenjit gwidinithit'oo t'atr'ahdahch'aa jii gwiyezhak gwidinithit'oh

- Jidii gwidinithit'oo geenjit gwiyeendoo duyah gugwaandak
- Nikgwinagoo'ee gwizhit tr'igwinah'in geenjit nihhnehch'i' jilch'ei kat nits'oo ejuk gunlii
- Tr'oochit gwizhit tr'igwinah'in geenjit dineht'eh
- Nits'oo gwiyeendoo gwizhit tr'igwahnah'aa geenjit duyah gugwaandak
- Geenjit gahvidandar' gwinnidhan ji' dagwiheedyaa'aa
- Duyah hgahaadaa gwichih dagwiheedyaa'aa
- Ejuk gwiheelyaa nihhnehch'i' ts'at dagwiheedyaa'aa
- Dinagoo'ee gwizhit tr'igwinah'in guuzhik dagwiheedyaa'aa
- Tr'oochit gwizhit tr'igwahnah'aa gwinnidhan geenjit dagwiheedyaa'aa
- Tr'oochit gwizhit tr'igwahnah'aa geenjit dinjii kat tr'oonjii





Mackenzie Valley
Environmental Impact Review Board

Box 938, 5102-50th Avenue
Yellowknife, NT X1A 2N7

Phone: 867-766-7050

Fax: 867-766-7074

E-mail: board@mveirb.nt.ca

mveirb.nt.ca

100% post-consumer fiber